

四庫全書

史部

欽定四庫全書

史部

四川通志卷七上

詳校官監察御史臣李陽樞

檢討臣德生覆勘

總校官編修臣王燕緒

校對官中書臣康儀鈞

謄錄監生臣蔡枝華

欽定四庫全書

四川通志卷七上

名宦

順慶府

漢第五倫

性質慈少文時以清白稱永平中為宕渠令有治行民甚懷之歷官大司空

隋柳儉

蓬州刺史潔已愛民獄無繫囚時稱廉正

唐屈突通

長安人知西充縣事規模制度賴以詳明

顏真卿

肅宗貞元元年李輔國脅遷上皇於西內真卿率百僚上表問起居輔國惡之貶達

州長史仁以撫民寬以馭衆恤災患救饑寒連利州刺史去郡人思德立祠祀之

崔元亮

開元中任果州刺史姚合送以詩騎吏緣青壁旌旗度白雲鉅銘生薜色巴字疊冰

文足徵其概

史謙恕

果州刺史百姓歌之曰使君來何晚昔無儲今有飯

李堅

貞元間授果州刺史課最遷秩司農少卿

韋貫之

京兆人為吏部員外郎牛僧孺等忌之以考賢良事坐貶果州刺史有善政後仕至

平章事

宋趙繁

開寶中任刺史建學育才人多仰之

李 睦

知廣安軍事簡易為政寬厚
治民滿任去郡人咸慕之

朱 昂

開賈中知廣安軍事仁恕決訟寬簡臨民
擒妖賊李仙蜀民以安歷官至翰林學士

工部
侍郎

楊克讓

知果州有善政
特賜璽書褒美

邵 業

字日華桂陽人太平興國中登進士第歷
蓬州錄事叅軍時邵民張道豐等被誣為

盜獄已具業察其枉不署牘未幾捕獲正盜豐等
得釋及代還太宗喜謂曰汝能活吾平民深可嘉

也賜錢五萬
授光祿寺丞

王 旦

字子明大名人端拱間守蓬州清節著聞
民被其澤官至平章事為名相卒諡文正

查道

字湛然休寧人端拱初登進士淳化中果州寇黨何彥忠擁衆不聽撫道單騎趨賊

所諭以詔意賊咸曰仁郡守也肯害我乎相率拜給券歸農上賜璽書褒美

寇瑊

任蓬州軍事李順餘黨謝威等復起為盜瑊擒送京師

崔立

任果州推官會有役兵輦官物道險乃索衆踐躡舟知州姜從革論如索斂法當斬

者二人立曰此非私已罪止杖以示懲耳從革不聽後論奏詔如立所議

凌策

字子奇宣州涇人登進士天禧中判廣安軍事恪勤吏職處事精審厯官諫議大夫

知益州初策登第夢人以六印加劔上遺之後往劔外凡六任卒符其夢云

龔鼎臣

字輔之須城人仁宗時知渠州渠故僻陋無學者鼎臣建學校選俊秀為生徒立課

肄法自後始有登科者渠入繪像祀之

李天臨

字才之成都人登進士第官祕閣校理家貧無僕隸自抹馬仁宗使覲之還奏嘆曰

真廉士也以親老知廣安軍事上言青苗不畏權要歷官集賢殿修撰致仕

裴德裕

知蓬州有善政每議法必依仁恕

李修孺

知果州有治狀蘇軾作詩美之

葛宮

知南充有惠政時東川饑民艱食部使者檄宮守資昌兩州悉以惠受著聞

陳瑛

知南充有能名歲旱帥司免下戶兩稅轉運使安節以為虧漕計瑛言苟利於民運

之不可節從之

邵伯溫

守果州請罷歲錢數十萬以省民力民受其惠擢提點成都刑獄再遷利州轉運使

蜀人
德之

吳幾復

知道州有惠政任滿去父老拜庭下曰鄉民被使君之政久矣今聞還朝故來相別

且歌曰使君來兮父母鞠我禮化行兮民無寒餓使君去兮不可復留人意悵悵兮淚雙墮

馮澥

字長源安岳人登進士第知廣安軍事有政聲一時重之

陳汝義

建陽人紹興中知儀隴蒞官勤慎民悅之

劉儀鳳

知果州初儀鳳為果掾起居郎趙達薦其富於才華恬於進取及擢州守政績著聞

毛敏

建炎間知鄰州時普惠諸井皆廢敏復之以甦民病

虞允文

紹興中知渠州地僻民窶常賦之外又行加致允文悉奏罷之遠近鼓舞孝宗時入

相封雍國公

尋卒謚忠肅

劉光世

字德修蘭州人登進士第歷右正言知果州趙汝愚薦之擢殿中御史

趙汝簡

字伯訓閬中人慶元間知蓬州以詩書為政先風化而後刑威

席芾

知儀隴縣蒞官嚴明興學勤農邑人頌之

李道傳

慶元進士為蓬州教授開禧間金兵窺散關急而吳曦復叛道傳遺書安撫楊輔論

曦必敗宜舉義討之輔不能決乃棄官歸曦平進

秘書郎歷官兵部郎中道傳明河洛之學為於大義嘗書喚起截斷四字於卧榻屏間其慎獨如此卒謚文節

尹天民

會昌人由太學博士知果州時王黼專政黼舊在太學乃天民所隸齋生也有強天

民共謁之者天民笑曰見王丞相豈不得好官但恐為顏閔所笑後召除侍講不就清議高之

安丙

嘉定間知渠州事恤民力夙有名望吏民畏懷郡人杜宿之撰德政記

孔忠齊

知果州號為循吏郡人為立良牧碑

蘇植

嘉定中知廣安軍以才學飭吏事存心撫字教養畢舉政令一新

楊思復

嘉定中知渠州有聲望每被旨典文衡學者宗焉

胡載榮

實祐中知渠州時元人來侵載榮從治保險率州人死固守卒賴以全

元張大悅

實祐間守蓬元統中官至閬蓬廣安順慶等路右副都元帥封成安郡侯時蓬俗多

文士少富民自是務農
力田咸大悅之力云

劉仲達

安西人大德初知渠縣作興
文教鼎新學舍學者誦之

馬蒙古岱

慶陽人至元中為西充主簿時羣盜劫掠百姓逃竄聚處於南岷蒙古岱極力

捍禦全活甚多令存

老馬寨民歲時祭之

劉哈瑪爾

至元初以萬戶攻成都宋守臣劉整戰敗
出奔哈瑪爾入城號令嚴明市不易肆衆賴

以寧後鎮順慶境內安堵蜀人
感德建祠於駟馬橋左祀之

閻公

至正間為營山令牛生二犢麥秀兩
岐禾一本九穗人以為善政所致云

明富好禮

嘉興人洪武初府同知創街衢
置坊巷戶口田糧悉賴經理

杜沂

真定人洪武中知順慶宅心公正律已嚴肅郡人稱頌焉

嚴昇

繁昌人洪武中任同知清租賦平徭役民得無擾

管時中

柏鄉人洪武間以御史言事左遷西充廉能有聲勸課農桑作興士類陞吏部主事

麥茂實

洪武間任南充建設學校作興士類邑人頌之

蘭從善

磁州人西充教諭實心鼓舞風化大行陞秩贊善

黃謙

蕪湖人以御史言事謫營山清廉仁愛鄰邑民訟多質成任期年百廢俱舉政教一

新士民懷之

任重

裕州人知營山居官廉謹政治公平任滿歸民不忍舍

費文質

華亭人知營山撫流民開闢田野性嚴明吏不敢欺

羅福

寶慶人教諭營山勤於訓誨激勸有方每以氣節相砥礪士風丕變

譚思敬

洪武中知大竹克勤公事節用愛民

姜勤

永樂初知儀隴興學校恤民隱士民頌之

楊榮

扶風人知儀隴政尚寬簡遺愛在民思之不置

周道

石首人知儀隴興學校勸農桑清操懋著一時稱為賢令

徐亮

會稽人知儀隴興學校平賦役儀人賴之有古循良風

利本堅

英德人知儀隴時當多事省約以節民財邑賴安撫

馮義

滇人知儀隴興學勤農足邊餉歲大歉屢行賑恤全活甚衆

余復

衡陽人正統初知順慶性廉潔開拓城池條理學校勞績居多

鮮延年

棲霞人天順間知順慶廉靜寡欲治行多與前守余復相類咸為士民稱頌

柴良

平陽人天順間知廣安州澤及孤貧賢聲甚著後遇賊被害

許仁

高安人守廣安除暴安民興禮化俗捐俸修學不傷民財

郭文

知廣安州公平廉正舉行鄉約境內感化

師用昌

奉新人知南充愛民如子毫不忍傷謫然有愷悌之風

符慶

太康人知南充凡便於民者務在必行人咸德之

岳 禎

漢州人知南充持重寡言喜怒不形凡事務搏節以益民

陳伯安

黃陂人知南充才幹敏捷操守清正吏民畏而懷之

錢 瑞

新淦人知南充一清如水性甚嚴厲權豪屏跡以勞瘁卒於官百姓哀之

朱 經

知南充學宮臨陋遷於太白山為政簡易民甚稱便陞任去民多思之

王 庸

會寧人知南充增修學宮毫不取民刑清訟簡百姓樂業邑稱治焉

李 琳

華州人知南充才識明敏遇事立決獄無冤滯

高 鵬

斯州進士知南充秉性剛明吏胥畏服訊獄果斷不避強勢士民仰其德

陳 琳

應城人天順中由御史左遷知岳池與民約信不事鞭扑後陞僉事邑人為立崇陰

坊遠愛

黃表

南平人成化初由舉人任府通判留心撫字民皆仰之

李昱

成化初任蓬州學正教士有方士風一時興起與知州畢宗賢遷改學宮區畫得宜

張璠

會寧人蓬州訓導時大兵駐境學舍圯壞璠倡義捐俸修葺規制煥然

朱詮

鳳陽人成化初知梁縣廉能公恕賦稅訟獄允服民心後有除寇功詔賜旌異

陳亨

莆田人成化中知順慶執法不撓吏畏民服去任不持一錢時稱清白

陳瑛

成化中知蓬州宅心誠實政尚公平

李璽

稷山人成化中知岳池性清約持正士大夫非公事不敢入其室

朱

瑩

南豐人由監生成化初知鄆水創立縣治撫字勤勞施為有序

丁

福

隆德人知鄆水勤政事平徭役民受其惠

丁

璫

鳳翔人成化間授岳池主簿以清謹稱民有犯法者暮夜遺之金璫時病篤固却之

壽卒

於官

宋

彬

永豐人知鄆水廉能勤慎政善民安

梁谷才

任岳池愛民好士創縣治建學宮修築壇壝倉庫百工並作民不告勞

田

鐸

陽城人進士任戶部郎弘治初謫知蓬州喜興文學督諸生誦習積穀數千以備軍

鉤民食皆賴之陞
會事民立德政碑

鄒統

臨川人知蓬州時已中擾亂統外給軍餉內節民財勞瘁甚著逮賊平調去郡人追

之思

沈林

長洲人弘治中知順慶公廉持正平易近人有古循吏風郡人立祠祀之

劉永成

弘治中知大竹剛直果斷才足有為建學宮置義倉士民胥賴焉

黃芸

豐城人弘治中由進士任府同知鋤強扶弱威惠並行

薛平

杞縣人知大竹施政有方斷獄明允諄諄以禮讓教人風化因之歸厚

种山

咸寧人知大竹剛介果斷政平訟理不行鞭扑而事治邑人德之

曾倫

雲南人鄰水教諭持身有禮接士以思學規嚴謹講諭詳明

甘澤

新州人正德初知渠縣清慎剛果值郤寇之變矢心死守邑賴保全渠人繪像以祀

蕭韶

龍泉人正德初知渠縣廉恕公平興學校勸農桑士民感戴

沈良佐

湖廣人正德中由進士知順慶府延士論以蘇民瘼

廖日監

吉水人正德間渠縣教諭博學勤教捐俸建明倫堂兩齋庖庫廢墜皆舉

蔡彬

南康人知大竹下車誓於城隍後果忠勤廉潔不負所誓民皆悅服

黃閏

正德中以監察御史謫議隴政尚嚴明犯者動繩以法民不敢欺號為鐵令尹

潘譔

荊州人知儀隴實心愛民九年如一日百姓乞留復任三載

趙裕

知儀隴理繁治劇廢墜咸舉秉性嚴正人莫敢干以私

金統

正德間知蓬州政
平訟簡民心悅服

魏溶

蒲圻人正德末知鄰水性剛毅不苟取與
邑多盜日夕嚴捕盜遂解散歲旱禱雨立

應民大悅有兄弟訟田溶諭之曰世間最難得
者兄弟田易得耳各泣謝而退後竟卒於官

王仁

盤匠人嘉靖初任通判有高節始終不渝
教民農桑風以禮讓聞母喪歸徒跣千里

囊橐無
餘物

畢宗賢

武進人知蓬州政
教兼舉士民允賴

王錦

醴泉人知蓬州東公執法請託不行餽
遺一無所受時以剛明稱擢按察副使

鄒瑛

由進士任蓬州蒞
政九年民心悅服

董桓

洛陽人知蓬州時州多虎民有告母被虎食者桓移牒城隍遣人捕虎於廟前殺之

州人稱異

崔允

代州人嘉靖中由進士知順慶規模方正豪強斂跡

朱簞

浙江人嘉靖中由進士知順慶振廢興勵人文文學政事人咸稱頌

沈橋

會稽人嘉靖中由進士知順慶誠於愛民加意作興學校一郡稱治

許奇

貴陽人由舉人任順慶同知歷任六年多異績督通省木政議鹽井課租治行頗著

民咸思焉

吳懋

大理人府通判善草隸工詩文尤長於政治陞階州以採木勤勞卒郡人深惜之

欽定四庫全書

四川通志

十

勞傳相

德化人任推官平反惟允因圖
無寃一時有景星朗照之頌

吳佩

裕州人知蓬州愛民
興學卓有循良之風

劉崐

萬安人知蓬州愛民造士冰蘖自
甘遷蘇州同知去蓬人深思之

李必聞

睢州人由舉人知蓬州直介清
約澹泊盟心時稱清官第一

鍾程

黔人嘉靖間知渠縣歲大饑多方
賑濟活者甚衆擢御史去民思之

初旦

潛江人知大竹縣撫受黎元當求無愧四
知累與神誓復遭謗去誣之者卒罹陰譴

陸如衡

趙州人知大竹縣居官清白奸惡斂跡擢
守潼川橐橐蕭然士民追送多泣下者

董仕毅

麻城人由西充令擢蓬州守操履儉約
後解組歸止行李一擔其清貧如此

嚴傑

武昌人知營山縣性廉潔蒞任未幾百廢俱興士民懷之

劉時達

金縣舉人嘉靖中知大竹縣時寇賊嘯聚時達密布方畧捕獲凡二百餘人地方以

寧居官五年奸慝無不斂手

伍思韶

江西人嘉靖間知廣安州多善政愛民如子有古循吏風

周光鎬

潮陽人萬歷間為順慶守倜儻有權畧建越夷叛遣兵備副使監征南軍事有功

馬虔

武定人崇禎間知廣安州立法如一剛介不阿遷達州僉事

敘州府

漢唐蒙

武帝時上書言由牂牁下南越之策拜為郎中從筰關入布漢威德卒通犍道

陳立

臨邛人成帝時為牂牁太守討平夜郎夷夜郎王興因立納貢後變夷叛復命立鎮

之蠻夷畏服今馬湖府及

酉陽司并立廟享祀焉

蜀漢張翼

犍為人昭烈時舉孝廉為江油長累官車騎將軍持法嚴峻盡心國事以劉胄叛逆

徵還猶積糧為滅賊計姜維伐魏翼每勸其保國不宜黷武

梁先鐵

武帝時奉使討蠻獠立戎州以鐵為本州刺史多有勞績

唐張九宗

德宗時戎州刺史以治化稱嘗撰花臺寺記并書字畫道勁

韋臯

德宗時為戎州都督獠蠻畏服立碑以誓之郡人繪像廟祀焉

劉岑李通李達九奚采

輿地紀勝唐時來為郡守者四人又見樂林官吏序

宋宋太杓

字未杓澤州晉城人舉進士以大理評事通判戎州多善政有詔褒美遣贊善大夫

柳光熙

乾德間為南夷巡檢使號令明肅恩威并舉十州五衛二十九縣之蠻悉嚮慕之

寇瑊

字次公汝州人大中祥符間為梓州路轉運使時多剛賊酋斗望劫瀘州燒清井監

瑊率兵大破之夷人相率來附瑊又置戍守建砦柵濬三濠以環清井

張宗誨

字習之宋太祖時知富順監赤崖夷斗郎春叛率獠騷動宗誨將郡兵攻破之歷官秘書監

熊本

字伯通番禺人通判戎州習知蠻俗後瀘州羅晏夷叛本為察訪使謂夷能擾邊者

介村豪為鄉導耳乃以計致百餘人梟之其徒股懷願死自贖事平遷刑部員外郎歷官吏部郎中

呂開

知戎州嘗行免役法入奏稱旨

范百祿

知長寧因長寧等十郡八姓夷內
作文以普諸夷並立碑於武寧砦

程球

紹興中知南溪救荒有善
政人心悅服焚人感化

邵隆

紹興中知商州值和議已定割商州為外
境隆不悅嘗密遣兵盜焉以授之秦檜憾

隆遂改隆知敘州一日因飲
酒暴卒或云檜使人酖之

黃崇

字文叔隆慶府普城人
為富順監以勤政著聞

何師心

孝宗時為戎州守南蠻叛修戰守
之具置崖岸以保居民鄉人德之

周湛

字文淵登州人通判戎州州俗不知醫病
故以祈禳巫祝為事湛取古方書刻石敢

之并禁為巫者自
是人始用醫藥

劉堯年

權長寧軍事卜漏之變堯年以諸路兵為先鋒忠勇協濟卒平寇

薛九齡

知戎州時吳曦叛於蜀九齡鳩財治兵卒討平之時頌其功

楊騫

眉山入知富順監時仙茅病民騫為之白於制帥特行蠲免邑人賴之

虞夷簡

仁壽人允文之孫知富順監崇化善俗禁科斂賑貧寡廣儲蓄以濟窮民又為義庄

魏了翁
稱善焉

周延雋

景祐間知富順監文學豐贍為治有聲

王純仁

眉山人知富順監以儒雅飾吏治登臨賦詩石刻多存

趙希益

金華人寶慶間知富順監勤於民事歲早祈禱極誠獲應民懷其德繪像於學宮希

益學術議論多
得之呂東萊云

郭知達

知富順監富順舊以鹽移贍遂寧生徒歲為鋸八十萬緡知達以公養不豐請於漕

運使又歲獲五

十三萬二千緡

許國

陽安人為長寧判以和議成即休官歸子慶孫奔相繼顯達世人榮之

甄拔

知長寧軍蠻人入城恣其劫奪拔嚴加禁戢俾納刀於候館然後入蠻人相語曰惡

將軍

張齊賢

嘉祐間以尚書員外郎知縣事建碑記治西十五里道傍

家炎

咸淳中知富順監遇吳曦叛不屈魏了翁特稱之及卒為作墓誌記焉

支渭

興國州人知長寧軍有惠政後為行省叅政

元張廷瑞

金川人為敘州宣撫使立市茶法并屯田之制民甚便之

任翔

任珙州通守陞馬湖總管府建大成殿

周志剛

為珙州學官博通經史勤於訓誨士俗自此向學

明鍾鉉

洪武初知富順當草昧之初焦勞心思經營制度廟學壇墀皆其創建

桂芝

慈谿人洪武中知敘州府興利除害卓有惠政

湯行

洪武中吏部侍郎謫知長寧卓有政績

任福

土人洪武間宣撫舉福任長官撫綏夷民衆心信服

饒觀

饒州人永樂中知敘州立法度修禮教德威兼著吏民畏懷

吳善

貴池人宣德間知富順時邑中多盜嚴法緝捕歲早濤雨發倉賑恤一時頌聲載道

劉歆

宣德中都給事中謫南溪廉能剛毅豪強屏迹卒於官百姓哀之

鞏固

洋縣人宣德中知珙縣有勇略生擒賊首阿具田等夷人畏憚不敢近城

何貫

知珙縣首建石城邑人永賴

趙彥

宣德中知高縣恩威并著遠邇信孚未幾解去及正統間芒部入寇征討弗克諸夷

曰趙尹

來即降於是辟彥至諸夷皆納款事聞詔增彥秩後卒於官

余炳

知高縣明敏有決斷時邑多盜大肆流劫內一賊假稱鄰民出首炳知其計擒殺之

人稱神明久旱
祈禱霖雨大降

李

鑑

湘陰人景泰中知敘州誠心愛民不
受請託事至剖決如流案無停牘

李盛麟

景泰中知宜賓愷悌慈祥愛民如子
歷任九年百廢俱修時稱為賢令云

陸淵之

上虞人成化中守敘州葺學宮
毀淫祠政教兼舉士民懷德

袁莒

豐城人成化中任長寧教諭博學多才尤
精於易太守陸淵之以為真才延至郡中

使諸生有所矜
式後以憂去

顧綸

嘉定人知馬湖剛明清政
文學著名以忤權貴致仕

張敏

大理人守馬湖剛毅有大節嘗撫夷單騎
至營推誠諭之諸夷羅拜受命解去擢兵

備副

使

鄭冕

閩人守馬湖勳直廉介吏畏民懷嘗征芒部有功

張繹

弘治中知南溪興學校廣儲蓄毀淫祠置祭器勞績居多

路義

貴州人舉人正德中知南溪却餽遺釐奸弊修城捍賊民賴保障

周璧

湖廣人知慶符革陋習正儒風時邑多游民不知務本璧出郊勸農民心懽悅

胡豐

三水人正德中知敘州作興學校賑恤困窮置舖舍平道路政績偉然

歐陽選

衡陽人進士正德中知筠連三江蠻叛與守備何卿併力禦之邑賴無恙時吳總兵

欲議招撫選力辯其非又白去丈田增稅遺民稱便

何卿

正德中守備筠連後陞總兵征白水三江蠻平之邊境肅清

王尚用

安福人嘉靖間府同知修職愛民上下信服歷任九年始終一致

趙遠

貴州舉人任通判署富順天性儉約一僕自隨節省財力鼓舞生徒邑人為立遺愛碑

碑

陶濂

曲靖人進士嘉靖中任欽州府推官署富順奉法無私察豪猾為民害者除之邑人

快稱

張雲鵬

大理人嘉靖初以部郎左遷宜賓令為人寬厚民心愛戴歷敘瀘兵備

萬文彩

雲南人進士嘉靖中知富順老成練達判斷如流祛宿弊節冗費民甚德之

李正彝

巴陵人進士嘉靖中知富順恬澹清介人不可干以私才長經濟節用愛民禮賢下

士後拜監

察御史

余良翰

奉新人嘉靖末知敘州士民懷服建兩塔於府治東南以壯形勢工費捐俸不以煩

民卒於官

嚴清

雲南府人嘉靖間進士以茂年初試為邑長明敏善斷羣奸屏息節費省役里甲甚

安屬歲設議賑濟民賴以安去時行李蕭然唯圖書數篋而已

趙儒

華陰人嘉靖間為郡守平易近人寬嚴得體治獄無冤教善誘士民感悅

杜傑

黃岡人萬曆中知長寧適歲歉賑活甚眾是時九繇初定點首內訌拮据調劑卓有

鴻勛後採木山中值水涸露禱於天忽大雨如注
木遂出先是西南夷騷動喜功者有欲滅此朝食
傑曰不可民方疲於力役又驅以戰吾恐邊地險
阻徒勞罔績也當事者弗聽其言卒致覆敗人服
其先識

邵炯

北直人萬厯間舉人知宜賓戊申春旱宜
民饑死大半炯設策救荒散米給粥活者

以萬計有生
祠肖像祀之

陳大壯

敘州府知府節儉正直
遷建學宮士民戴之

徐久德

江西入天啓初奢酋叛時地方承平日久
弛於武備人情皇皇眠甚熾使卒索印久

德殺之捐金募壯士誓與民守城乃全居官愛
民如子民依之若慈母陞兵備副使尋致仕

殷大白

雞澤人性廉介持正一時上司推重之值大旱蔬食步禱妻病思如葷大白力持不

可曰吾方為萬民請命妻竟病卒後得大雨

夔州府

蜀漢劉琰

字威碩魯人先主在豫州辟為從事以其宗姓有風流善談論甚親待之遂隨周旋

先主定益州令琰為固陵太守後主立封都鄉侯為衛尉中軍帥後將軍遣車騎將軍然不預國政但領兵千餘隨丞相亮贊畫調議而已後與魏延不和亮責讓之琰與亮牋致謝亮遣還成都官位則如故云

羅憲

襄陽人仕蜀漢為巴東太守鎮永安漢亡憲率所部臨於都亭三日吳人襲之憲曰

吳不恤我難而背盟傲利不義甚矣乃繕甲誓衆與吳人戰大破之晉荊州刺史胡烈攻西陵以援憲吳乃退時後主入洛憲猶以孤軍守白帝城云

晉鮑

陋

鎮白帝城為譙道福所圍城中無水礮石開渠以汲道福不悟謂陋渴欲降之陋令

人於江側得生魚道福乃解圍去民賴保障今疏鑿之跡尚存

李遷哲

安康人為將軍平漢州之亂拜信州刺史鎮白帝城先無倉儲遷哲取葛根造粉兼

米以給軍士時有異膳即分賜軍中

人感之咸思効命屢擊叛黨破之

周陸

騰

信州蠻冉令賢等據巴峽黨與連結詔騰帥衆拔其八城進攻水邏令賢走追斬之

信州舊治白帝騰徙於八陣灘北以司馬蒯為信州刺史

欽定四庫全書



四川通志

卷七

六

司馬喬

字曉印河內溫人歷官都督巴州武平中

史兼都督諸軍事五年轉西寧

都督喬

推誠秉公人多稱之

唐李孝恭

高祖時以山南招討大使徇巴蜀下三十餘城拜信州總管時蕭銑據江陵孝恭討

之平

李靖

隴西人武德初說趙郡王孝恭以取蕭銑

軍事靖說孝恭悉召巴蜀酋長子弟量才授任置之左右外示引擢實以為質因造艦習水戰自夔州東擊蕭銑時峽江方漲諸將請俟水落靖曰兵貴神速今吾乘江漲掩其不備此可成擒也乃帥戰艦五千餘東下銑果不為備拔其荊門宜都三鎮屢破其兵直圍江陵內外阻絕蕭銑乃降拜靖

知夔州時蠻酋冉肇為寇靖擊斬之夔
地賴焉歷官特進左僕射封衛國公

源乾曜

臨漳人神龍中為夔州叅軍修圖經言風
俗甚備開元初歷官同平章事謹重自持

明皇稱其清深靜
密有彌綸之識云

南承嗣

范陽人霽雲子
為夔守有功

嚴挺之

華陰人開元中為萬州司
戶果斷有善政歷官左丞

劉禹錫

字夢得中山人貞元初登進士第歷官監
察御史貶遠州元和九年移知夔州表言

一州利害公務不冗且以文
雅稱歷官至檢校禮部尚書

柳公綽

字子寬京兆人幼孝友性質嚴重起居皆
有禮法後舉賢良方正直言極諫補校書

欽定四庫全書



四川通志

卷七

七

郎授渭南尉累遷開州刺史地接夷落寇嘗逼其
城吏曰兵刃不能制願以右職署渠帥公綽曰若
同惡耶何可抗法寇亦引
去遷侍御史吏部員外郎

苗

拯

上黨人性峭直有學術
以諫議大夫貶萬州

柏貞節

大厯初授夔萬等州防禦使制稱其雅有
器幹深於戎律蘊三略以經世秉一心而

事君杜甫寓夔貞節厚加優禮嘗分俸給之崔旰
反貞節率子弟起兵討旰故甫詩云柏公鎮夔門
滯霧茲
一掃

齊

映

高陽人貞元初與崔造劉滋李勉同相造
議宰相分判六曹映在諸相中頗稱敢言

上寢不悅遂
出知夔州

唐次

字文編北海人貞元中知開州簡易廉平居民胥悅凡十二年轉知夔州愜悌紓息

盡心
民事

韋處厚

字德載萬年人舉賢良方正擢侍講穆宗召講閤唯洪範擢考功員外郎出為開州

刺史時巴山有高僧清公能前知處厚往問還期清公曰一年半載一年半載又問官何止境曰宰相須從江邊得處厚果守開三年乃還文宗自江許踐阼命處厚作相俱符清公之言

溫造

祁縣人穆宗時為侍御史李祐為左金吾將軍進馬百五十匹造奏祐違敕進奉請

論如法詔釋之祐退謂人曰吾夜半入蔡州城取吳元濟未嘗心動今日膽落於溫御史矣敬宗初貶開州司馬性剛斷能體悉民隱士民慕之

宋申錫

文宗時謀誅宦官引侍郎王璠為京兆尹以密旨諭之璠泄其謀申錫坐貶開州司

馬有善政

卒於官

韋昭範

字垂憲以龍州刺史改通州昭宗幸鳳翔昭範首謁行在遷給事中歷中書門下平

章事判

度支

五代張造

秦宗權餘黨常厚屯白帝為成汭將許存所破厚奔萬州造時為州刺史悉力拒之

厚奔綿州萬

以造守得全

宋馬亮

雍熙中知夔州善藻鑑時呂蒙亨為州職官子夷簡在焉亮一見即妻以女妻怒亮

曰此必國夫人也後夷簡果拜相亮遷知荊州府

慕容德琛

太原人淳化中知夔州時值王小波李順之亂以孤城抗賊大破其衆克復十

餘郡民免鋒鏑咸頌其功
仕至右監門衛大將軍

袁逢吉

河南鄆陵人淳化中知夔州時寇亂甫平逢吉盡心撫恤又決疑獄得其情川峽採

訪使條上知州通判有治蹟者七人逢吉與朱協李虛己薛顏邵暉查道劉檢與馬皆賜勅褒諭累

官鴻臚少卿

薛顏

淳化中知雲安軍政務修明採訪使薦之陞夔州路轉運使始孟知祥徙州於東山

縣峽以拒王師顏知民不便復其故址

雷說

淳化中為將作監丞知大寧監事初鹽場人戶就井汲泉強弱相陵多抵於訟說乃

於穴傍鑿石為池以瀦之外設橫板穿三十竅承以修竹分泉接引謂之筧筒蓋泉初出不可遏如此則水勢無奔衝不平之患至今以為規則

唐介

字子方江陵人天聖八年進士為奉節令其政以通民情理冤獄為先召授御史裡

行劾張堯佐不得授宣徽使又論文考博以燈籠錦媚宮掖非大臣體貶英州別駕天下想望其風采後梅溪王十朋守夔檄奉節令喻思然立祠祀公自為文記之

彭乘

字利建華陽人舉進士任華陽判官性至孝父卒廬墓甘露降其樹人稱孝感寶元

中為夔州路轉運使會土賊田忠霸誘下溪蠻將內寇乘適按郡至境大集邊吏勤兵守禦賊遁去其黨斬忠霸以降召修起居注擢知制誥累遷翰林學士

何

邾

字聖從成都人景祐進士寶元初任夔州府判有治聲後轉殿中侍御史面陳夏竦

奸狀仁宗諭曰古有碎首諫者卿能之乎對曰君不納諫則臣碎首今陛下納諫如流臣何敢掠美

累官龍圖

閣直學士

東

莊

嘉祐間知萬州舊多火災莊籍羨緡募陶人屋皆易瓦並教民儲水為備其害始息

民甚感之

陳安石

安陽人嘉祐間為夔州判官洞晰民隱時有蓄蠱毒者捕誅其首並刊藥方頒之由

是遇毒者不死遷知州勅云起自世族華髮一心試之中外清節可紀

孔嗣宗

嘉祐中署大宰監事訪民不便皆除之於鹽泉南北立長以司其平又立寶源祠以

祀井神建朝陽樓以壯觀望築凝香堂
以延清眺後授夔州路轉運使司判官

劉源

嘉祐中為開州萬川令溪有難舟楫患
之源焚其石淬以醢石解流通民祀之

張詵

熙寧三年為夔州路轉運使時渝州蠻
叛詵自帥兵討平之一路民賴起息焉

程之元

字燕孫眉山山人元祐中任轉運使有政績
與弟之邵俱以才名世之邵後為夔州路

轉運判官大寧縣課太甚民苦之
之邵發所儲以通商賈闕市大悅

鄭修

蓬州人七歲日誦萬言元祐中進士知梁
山孫仁惠愛民俸祿所餘悉為民代輸民

受戴

陳弁

靖康初上疏言天下之治常聽直言近正
人公喜怒銷朋黨明法度謹財用又直斥

蔡京之黨謫監遠
州茶場茶政以清

史方

建炎中知夔州時富順蠻寇施州方領兵
至蕩其巢穴追至七女柵降其衆而還

宇文章

雙流人建炎中以祕閣修撰知夔州實心
愛民盡力革弊政聲大著其父昌齡崇寧

初為戶部侍郎奏省陝西糶價
五百萬章所施設不愧庭訓云

虞祺

紹興中擢知大寧監時鹽利多重徵祺悉
蠲放每謂法無重徵例不可壞陞知梓州

秦檜遣使督貢方物祺以
地瘠民困聞檜慚而止

韓廣叔

紹興中任夔有治聲太史黃庭堅曰惟勤
能辦公家惟清能律貪吏嚴而信則吏不

病民簡而敏則民
多在野廣叔有焉

馮時行

字當可，已縣人。紹興狀元，與朱松、曾開等極言和議之非，出為奉節縣尉。陞知萬州。

公平廉謹，治甚有聲。百姓愛之，立祠以祀。

虞允文

紹興中為川陝宣撫使，上言三路不可棄。與史浩不合，罷知夔州。以變為蜀門戶，修

守禦，撫軍民，百務整肅。明年入對，言今日有八可戰，且以筭畫地陳棄三路利害。高宗曰：「此史浩誤朕也。」歷官尚書左僕射，同平章事，封雍國公。

周執羔

知夔州，兼安撫使。秦播蠻叛，執羔責豪帥曰：「朝廷用爾為長，今一方騷動，責將誰任？」

豪懼，擊斬叛首，以獻蠻患遂息。

張震

字子發，廣漢人。以數文閣待制知夔州，為政以利民澤物為先，疏言馬綱利害，又修

補大成樂及忠武

侯祠皆自為記

王十朋

名龜齡號梅溪溫州樂清人紹興中廷對

史浩懷奸誤國八罪風裁凜然出知饒州乾道元年七月移知夔州時夔告於馬綱十朋兩上狀極言其害州早七月為文禱於諸廟雨大降誨生儒甚勤切大要以忠孝與恩無邪為主民輸租者使自崇量其治以廉潔公正率下有不善者反復告戒誠意為至人多信服去之日士民攀轅不舍所著有梅溪集行世

程師孟

提點夔州路刑獄建置常平倉歲凶賑民不足矯發他儲不俟報吏不可師孟曰必

俟報餓者盡死矣竟發之

查 籥

字元章隆興間為御史與王十朋馮方李

夔州路運判時十朋為府帥相得

甚驩多有倡酬後轉成都運使

陸 游

字務觀山陰人左丞相之孫紹興末召對

聲嘗陳進取之策於宣撫王炎又謂經畧中原必

自長安始取長安必自隴右始嘗積粟練兵以俟

後自夔州入蜀九年乃歸晚召為南宮舍人致仕

年八十六而終游文行甚高詩為中興之冠有集

百餘

卷

李 浩

字直夫臨川人中紹興壬戌進士不謁秦

州兼夔州路安撫使奉法循禮律已甚嚴恩州田

民起兵相攻浩親草檄遣官諭之二人感悟歃血

釋兵蓋以誠意銷患於未然也在鎮踰年以疾請尋卒於官年六十有一贈集英殿修撰

趙希館

字君錫舉進士調主管夔路轉運司事疏大寧鹽井利弊上諸朝民便之改知玉山

縣未行召對希館首言民力困於貪吏軍力困於債帥國家之力則外困於歸附之卒內困於浮冗之費次論西蜀銓選科舉之弊次論大寧鹽井本末寧宗嘉納之授大理寺丞遷大宗正

劉光祖

字德修簡州人登進士第廷對直言歷侍御史疏留朱熹為韓侂胄等所擠除江西

提刑又改夔州論人主有六易天命易恃天位易樂無事易安逸欲易奢政令易急歲時易玩又有六難君子難進小人難退苦言難入巧佞難遠是非難明取舍難決闇主之所易明主之所難明主之所易闇主之所難終顯謨閣直學士謚文節

曹穎叔

字秀之亳州譙人隆興初舉進士紹熙中任夔州路轉運判官禁淫祠教醫藥盡心

時事充舉

漕政云

王正輔

紹熙初為開州刺史有善政碑

陳公璟

慶元初為開州刺史思威並著民思之嘗立懷古堂以思昔賢

周湛

慶元中為夔州路轉運使雲安鹽井歲賦民薪多至破產湛為之蠲鹽課省輸薪民

利賴之

何異

字同叔崇仁人舉進士慶元中知夔州兼安撫使夔民土狹食少異與轉運使立循

環通濟法民便利之

累官擢禮部侍郎

李 皇

字季允眉山人靈之子與兄璧俱有才名舉進士為館職文譽赫然慶元中知夔州

受民誨士不
愧其家風云

魯有開

知萬州政寬民和人懷其惠暇日敞西山池亭萃泉石之勝雜植竹木花果一時名

賢相過遊咏其中後之人
名其地魯園池為魯池云

何 縯

字公長寶慶間任梁山州刺史嘗捐俸餘完民通稅又度財鳩工修建學校士民咸

頌之

虞公著

知開州有盜數千至境郡人大震公著不為動徐遣兵禦之又募茶商三百餘人力

拒之賊
敗走

丁

補

石埭人紹定中真德秀薦於朝授夔路安撫疏急務十事力修備禦為政寬大崔菊

坡與之友嘉其操尚寄詩有同志晨星少孤愁暑雨多之句後遷成都制置使嘉熙初元兵趨成都

却之

孟

珙

秦陽人嘉熙三年復襄陽條上事宜四年二月以珙為四川宣撫使知夔州節制歸

峽興澄軍馬珙招集散民為寧武軍以降人回鶻

凌里八都魯為飛箭軍釐蜀政之弊為條頒諸郡

縣且曰不擇險要立砦柵則難責兵以衛民不集

流離安耕種則難責民以養兵乃立賞格以課殿

最俾諸司舉行之尋兼夔路制置大使大開屯田

調夫築堰募農給種首耕歸尾漢口為屯二十萬

頃八千二百八十畝又創南陽竹林兩書院以處

襄漢四方流寓之士乃條上屯田始末降詔獎諭

轉寧武軍節度使淳祐六年

卒贈太師封吉國公諡忠襄

李庭芝

嘉熙四年擢施州建始縣訓農治兵選壯士雜官軍教之暮年民皆知戰守善馳逐

無事則植戈而耕有事則悉出而戰宣撫使孟珙下其法於所部行之後累知樞密院事拜右丞相

與元兵戰秦州戰敗不

屈與其將姜才死之

元趙壽

開州刺史張叔向贊云安邦器局峙玉精神隱若岷山遺愛惟肖傳巖中人

李敦武

雲安同知興學造士有政聲

明盛南金

洪武初年守夔庶介有為政先學校

吳孟銘

洪武初年任大寧州同知建官署遷學校立壇廟政績大著

劉聲遠

長沙人洪武中知梁山廉
能不著歷官交趾叅政

高溥

歙縣人永樂中知萬縣
愷悌受民有古循吏風

竇祥

鞏縣人以御史謫知萬
縣廉能剛介吏畏民懷

郭子虛

洪武末知萬縣政
甚有聲邑人稱頌

嚴昇

繁昌人永樂中知巫山公勤
有守士民歌頌歷官食事

嚴觀民

字竣德金華人永樂中守夔修飭政事洞
晰民隱嘗督營建有大木沈水底觀民臨

江祭告木浮
水上流數里

程璿

新州人正統初任梁山教諭學
行俱茂教有成績陞陝西副使

謝文彬

羅城人正統初知雲陽時羣虎白晝食人多方除之頌德者比之劉昆

蘇整

任雲安大使整修鹽竈疏通積滯民懷之立祠祀焉

李政

正統間知梁山抑豪悍舉廢隆通商利民功績居多

季亨

天順中守夔恩威並著修舉廢隆政治煥然一新

王謙

天順中守夔以實學行實政甚得民心

胡軫

豐城人守夔州持身廉介不趨浮靡擢浙江提學副使

羅網

巴陵人監生成化初知大寧却兵省費弭盜禦災九年考滿百姓乞留歷任十二年

何珣

順德人進士巡按南直隸以忤旨謫知大寧興學均賦除暴安民有循良聲陞梧州

府同

知

顏 麤

太倉人成化初任梁山教諭師範端嚴陞國子助教

高 鑑

信陽人成化中守夔政務大體不屑屑簿書尤工於詩何大復稱其詞翰風流為士

人宗著

鐵溪集

汪 奎

成化間判府事實心實政民甚德之

吳 珏

臨海人進士成化間知梁山清介多才以能調巴縣後歷夔州知府

丘 瑩

麻城人弘治三年知開縣自榜其門曰愛百姓如子會一錢非官行如其言

璩鎮海

常山人開縣典史惠愛得民陞知縣去日邑人泣送於道

唐書

麻城人正德初知巫山縣創修石城民永賴之

王良

泰和人正德初知新寧拒劇賊保孤城民咸德之後陞蘭州知州

趙珂

太原人知萬縣鄔藍為亂餘黨安插臨江市事勢危迫又土漢兵騷集動費萬錢珂

善經營卒賴無恐賊平致仕歸

蕭鵬

朝邑人知新寧實心愛民輕刑減訟庭無滯獄

吳潛

臨川人正德間守夔受民教士善政良多

趙鳴鳳

善定人正德中知奉節御下以嚴吏胥不敢舞文尤勤於造士嘗修邑乘文獻有考

楊文

平越人正德中開縣訓導攝縣事時藍賊猖厥薄城文率衆力拒城賴以全

楊 湜

雲南人正德末知萬縣時民多疫湜開藥局療濟全活者衆貧不能葬者給衣棺助

之民感

其德

王 勲

崑山人知開縣撫輯流移政先教化

張廷柏

蒲州人嘉靖中守夔廉靜嚴明市田三十畝以食貧生郡故無井尋瓦筒徭逋經數

十里引水入城民便之

劉 澤

鄆縣人前知雅州甘儉約御史以清苦薦之陞夔州府同知歲大旱故事軍餉必上

請乃給公曰必待請人餓死矣如期盡給之民賴全活

周 錫

商州人嘉靖中任知縣性剛毅多惠政新甯序葺浮梁民立石頌之

成敏貫

黃岡舉人嘉靖四十二年知新寧縣時值歲歉發倉施粥又革去日支日馬以寬征

役南岸土酋弄兵芻輓迭出色不告罷北歸惟有圖書數卷而已黃元白作去思碑謂其廉與誠合

不與俗偶益

真清白吏也

李植

黃岡舉人萬歷五年知萬縣廉能並著士民懷之名入為御史

郭渠

字萬周廣東番禺人萬歷初以禮部郎出守變請復捕官以弭盜復奉節縣學以育

才大寧雲安鹽課滿額楚蜀馬船更遞甚為民病悉請罷之旋督蜀學所取稱得人云

徐禎稷

號厚源松江人父三重以理學名世及禎稷繼成進士清白世其家天啓間以部曹

出守夔州律已嚴與人起吏民愛戴御史毛羽健按蜀稱其才守並超特疏薦之禎稷薄於宦情累

通志

不

龍安府

梁李龍遷

武帝普通三年土豪楊傑據龍州武陵王蕭紀鎮益州以龍州為鄧艾取蜀捷徑遂

命龍遷為守縣城捍蔽一方民德之大通三年卒葬牛心山側鄉人立祠祀之歷代封龍州土主明軍去淫祀以龍遷有功於民仍命有司春秋致祭云

魏裴果

西魏龍州刺史土賊張通等寇州果擊破之州境晏然

周辛昂

狄道人後周時為龍州刺史領郡事州帶山谷民俗多梗昂威惠洽著吏民畏而愛

之

陸騰

後周時為龍州刺史通江油路直抵南秦州孝文謂之曰此是卿取柱國之日後位

開府平正

蔡之亂

隋和洪

汝南人以戰功累遷車騎大將軍儀同三司時土蠻任公忻李國立等聚眾為亂刺

史獨孤善不能禦朝議以洪有武畧代善為刺史月餘擒公忻國立皆斬之餘黨悉平

何妥

郫縣人少機敏有才辨初事梁湘東王後仕隋上疏言八事與蘇威有隙出為龍州

刺史有負笈從遊者妥為講究學者皆敬禮之嘗作刺史贊勒石州門官至國子祭酒卒諡曰肅

唐雍無逸

大歷中龍州別駕吐蕃入寇無逸夜襲其衆破之以功封什邛縣男

蘇邈

事實清志闕

尉遲說

長慶中刺史
有善政及民

宋宋祺

字叔實幽州薊人晉天福六年舉進士宋太祖建隆中召拜左補闕開封府推官出

知龍州周知人情尤通吏術
太宗召赴闕歷同平章事

吳濟

大中祥符五年為龍州知
州始興學校教授生徒

李莊

嘉祐中知龍
州有善政

張上行

德陽人元豐進士為石泉令夷人寇邊上
行言於蜀帥孫義叟曰吐蕃有兩道一由

青川抵松茂一由綿州抵維城今石泉威蕃亭最
為要害宜先築堡以禦之次陞石泉為軍以重其
權然後調思黯土軍以討之役不濟矣義
叟用上行計大破之邊境帖然蜀賴其惠

趙善齡

政和元年為龍州知州多政績尤以文學名於時有龍陽十咏詩

魏禧

平涼人紹興初為石泉令凡官廨學校城郭創建悉備治功懋著民思不忘因立祠

栖離山

祀之

史

祁

乾道七年知龍州重修學校尤多題詠

王

彌

淳熙十六年龍州知州有治聲後召為尚書吏部侍郎

洪咨夔

於潛人嘉泰二年進士寶慶中知州事州貢趙金率科礦戶告變嘆曰將奉上乃厲

民乎出官錢市之江油之民歲戍遺苦運餉為請於漕司免之毀鄧艾廟改祀武侯歷官學士卒謚

忠文

薛巖

景定間知龍州以守城有功世襲龍州知府

謝伯林

知江油嘗興水利開赤甲等堰書養生潭三字石利尚存

元王祥

元帥府制使羌夷桀驁獨當一面大軍取蜀助餉轉輸又能聘賢訓士敦尚儉樸龍

之科第接踵土俗淳厚皆祥之遺教也

李仁廣

龍州同知性剛直善騎射羌戎帖服元兵取蜀首先歸附朝廷嘉其順賜世襲

明薛文勝

洪武初知龍州率兵從征松潘間路修橋供給軍餉及克松潘遂留安撫招降生番

其眾

薛繼賢

洪武間知龍州公勤愛民修學校創橋梁州人愛而頌之

周伯汶

泰和人洪武中知江油撫字有方以善政稱

蔣貴

松潘副總兵宣德中偕方正分劉叛羌自先士卒厥功良多

寇深

唐縣人監生正統間以舍都御史鎮守松潘瞻視有威將士事之如神番人款服邊

境寧謐完城堡修道路不時巡督諸寨凜然又疊溪無井深濬暗竇數里外引水入城又添永鎮等堡蜀之門戶始固景泰初召還遷左都御史死於曹欽之難諡莊肅

劉綱

青州所千戶正統間破上江賊有功陞指揮僉事

羅綺

磁州人進士為刑部侍郎景泰二年撫治松潘多智勇深得邊情犯者輒殺不宥威

州寨帥王永煽動上下五族欲拒南路綺一舉殄之自是不敢擾邊復興學育才文教蔚起邊氓感

化為豎安

邊政績碑

馬雲

成化中以副將征進疊溪智勇兼備身先士卒督軍往來東南二路夷人畏憚潛伏

邊境

凜然

澆或

成化間以副總兵征松茂謀勇過人督率軍士搜羅山寨夷人遠遁迄今威望尚存

鄒澣

麻城人成化中知石泉時經番夷之害民多逃徙澣善招撫復業者甚衆

丘顯

常熟人成化間彰明縣丞愛民息盜百姓樂業刻像祀之

范輅

柳州人正德間進士拜御史以直言謫龍州經歷修學宮以教士于立漏澤園以瘞

枯骨所著有范龍州

遠谷子集行於世

張倫

翠縣人松潘衛前所副千戶正德十年邊

患衆巡撫馬

吳泰四川西南危地一旦聞賊人心

怯助張倫迫能拒敵大有斬獲俾逆番速遁厥績

良多宜用優賞以鼓勵邊鄙將士乃陞倫指揮金

事世襲後又徵惡番八大根等累陞小河叅軍

潘大武

嘉定人嘉靖中知江油城中多火災公具

夫銀民便之

冠服拜火火自熄革去平番戍卒及金井

黃國華

豐城人進士隆慶中守龍安時郡新設賦

繁重國華務節省一時汰革殆盡萬厯初

入覲幸於京卒之前一日猶議陳地方利病

其盡心民事如此計聞士民哀悼立祠祀之

胡昶

永昌舉人萬厯二十三年知石泉清操有古人風民仰其廉

周薑臣

黃岡舉人天啓間任知縣清操有善政民思之

林有麟

號東齋華亭人父景暘萬厯間有聲諫垣天啓七年有麟以任子自刑曹出守龍安

時國定奢氏之亂所在喘息甫寧將士驕悍有麟悉心休養約束兵弁皆肅然奉令而給餉以時賞勞優厚將吏更相悅服境外諸番所得歲賜茶繒無或浮冒皆咸激拜舞上官深器重之遂署監軍道事親履要害捐貲練兵三百餘人皆一以當十又修治學宮纂輯郡志自江南購經史古今文集分布黌舍課令誦習又以遼州命諸生習騎射亦懸賞以勸之刻有射法成書又建議龍安為省會北門宜於秦蜀之交益兵駐鎮以壯鎖鑰會有麟引疾去事不果行崇禎之季秦寇披猖蜀北蜀勢不支人乃服其先識在官二載百廢具舉案無留事龍人目為林青天去之日哭泣奔送者三百餘

里

寧遠府

漢任貴

為越嵩郡太守建武中封為國王

蜀漢張嶷

蜀延熙間為越嵩太守招集蠻酋結以恩信繕治城郭番夷男女莫不効力在郡十

五年邊境賴之

梁王紀

梁益都督武帝時建寧越嵩叛紀開通道路撫定夷戎

隋梁毗

開皇四年為西寧州刺史不受夷人餽金在州十一年徵為大理卿

唐常仁壽

為南寧州都督寄治越嵩將兵循洱西河開地數千餘里尋詔置七州十五縣商蒙

來見授以牧宰威
令簡肅人皆安悅

元譚澄

中統間西南夷羅羅斯內附世祖以澄文
武兼資授副都元帥同知宣慰司事至境

諭夷曰皇王一視同仁特置大帥安輯
招懷非有所徵求於汝也夷人大悅

明劉遜

安福人由進士任御史忤中貴調外又以
不阿王府謫建昌行都司都事撫按藩臬

重之委署合州宗慶金堂精
明果決民不誦冤人人感泣

魯毅

新水人寧番衛指揮洪武中裕魯特穆爾
反攻圍城池時衛初設百度未舉毅運謀

撫衆與士卒同甘苦晝夜拒守同賊急
擊破之圍始解以功陞遼東都指揮使

富好禮

前順慶府同知憫瀘河嵐瘴又相嶺路甚
險乃自鎮西所開路通至我眉名曰春山

路土人勒
碑頌之

周光鎬

監軍駐越高制兵恤民
建學造士有遺碑尚在

張東臯

重修越滿衛城清丈
屯田軍民服其公平

鄧思啓

添設越舊營壘安兵措餉造
士恤民卒有成政著兵政錄

雅州府

唐王果

雅州刺史多惠
政士民德之

韋臯

西川節度使於黎州築要衝等城與東蠻
共擊吐蕃前後斬首至萬餘級善撫士卒

蜀人德之見
其遺像必拜

李德裕

西川節度使番人入寇民不聊生德裕置雄邊子弟共築仗義城以制大渡清溪關

之衝作禦武城以控榮經犄角之勢作乘遠城以拒西山吐蕃復邛崃圖徙舊州治臺登以奪蠻險

遠民

乃安

五代王貴

雅州刺史子著為百丈主簿皆有政績貴尤善書筆法精妙

高曩閣藏

烏思藏戎國人孟知祥據蜀閣藏招撫部落歸附賜世勲二字世襲天安撫

宋許仲宣

四川轉運使開寶中西南夷寇掠邊境仲宣親至大渡河諭以逆順示以威福夷人

率服

曹光實

義軍都指揮王全斌平蜀殘寇猶據沈黎光實討平之遂以光實知雅州安集勞來

蠻落懷服遣
黎州刺史

侍其曙

大中祥符初黎州夷亂詔曙乘驛招撫之許其酋首納款復與穀性為誓所至皆降

孫構

知黎州時夷酋數擾邊構用間殺之蜀帥呂公弼上其事擢知真州

蕭定基

明道間知黎州有善政歲歉賑活饑民甚衆初黎州無舉進士者定基教育有方文

風丕振踰年貢
禮部遂得數人

裴子良

皇祐間知黎州僊智高反聲言入南詔犯蜀州人情危懼子良能以鎮靜待之民始

堵安

雷簡夫

至和初僊智高走入雲南蜀人驚怖益州守張方平薦知雅州既至蜀人遂安蘇洵

攜二子來謁簡夫力薦之由是父子著名

李良臣

知雅州廉能著於邊徼

呂由聖

河南人諱之子在郡八年去任日傾城攀餞人多垂泣

呂由誠

字子明由聖之弟臨事精敏有惠於民昆弟相繼為守郡人建棟華堂

孫侯

嘉祐末知黎州時邛部夷酋反覆不常屢為州患侯率師戮之立其弟為土目

范鼎臣

治平初知黎州督戍卒治隍壑數歲畢功民不知役進士鄧復亨為循吏傳以美之

郭綸

黎州都監官滿貧不能歸權嘉州鹽稅蘇軾詩河西猛士無人識日暮津亭聞過船

路人俱知驄馬瘦不知鐵槩大如椽因言西方久不戰截髮願作萬騎先我常憑軾與屬目看君飛

矢射
盤龍

丘常

崇寧間縣令有惠政

宇文常

政和末知黎州有上書乞於大渡河外置城邑以便互市者詔訪於常常言太祖觀

蜀地圖畫大渡為境並百五十年無夷患今若於河外為城邑邊隙寢開非中國之福也乃止

孫偉

宣和間知黎州飲食外不市一物比去謂人曰吾所愧古人者囊中有十金耳先是

偉之官丞相張方平笑曰沈黎曠者不住往者不棄偉然不答後竟以廉潔稱之

宋南強

豐縣人父汝為使劉豫也豫以忠義被留幾死後上歸赦汝復大略秦檜欲殺之變

姓名入青城山卒檜死南強哀祖於朝懼知雅州

欽定四庫全書

四川通志

卷七

房咸

知蘆山有政績尤以文名

郭公壽

知雅州推誠愛民嘗旱祈雨輒應州人立像祀之

楊仁

知雅州興學勸農士民德之

李燾

雅州推官時欲增蘭州鹽羨燾力爭之蒞事精明彙強敵跡公餘力學博稽典故

虞允文

紹興初為名山令清溪橋茶廳前梅槐成行皆其手植遺墨尚存後權知黎州有旨下制司買上品珍珠益秦檜意也帥府承奉唯謹督允文市之番蠻允文力持不可會檜沒而止

牛大年

知黎州兼節制黎雅屯戍軍馬紀律井然

馮儼

安岳人知榮經時有沈黎部落之警儼作雄邊寨以戍之軍民莫居焉

楊璜

眉山人沈黎羌授璜調兵征之民賴以安

明高國英

天全人洪武初率衆歸附授招討使子孫世襲

高繼先

即五代時高彙閬中之裔洪武初年率衆歸附後以功陞天全六番招討使

羅容

江西人景泰中為四川行都司都事與利除害民懷之

相政

河南人景泰中為四川行都司經歷常有惠政與羅容並稱

劉毅

武昌人成化中知州事居官廉介

戴中

新淦人進士調判雅州秉心公直處事剛明調停茶禁利害切中時宜陞副使

蘭道立

江陵人進士知榮經素嫻武略時番夷反覆道立簡兵防守多方招徠夷心畏服

施電

雲南舉人知名
山教士愛民

陳經

字質之寧武人進士任御史調榮經知縣
蒞政公勤邊民信服立城垣修學校擢守

雅州

屠密

洱海人正德中令江夏以忤中使調蘆山
天全土司攻城密力請征勦俘其酋長復

所侵故地邑入建
祠置田報祀焉

牟秀

和州人知榮經剛柔相
濟政聲赫奕土漢畏服

劉澤

嘉靖間守雅州清心苦節蔬食布
衣人號為青策劉陞夔州府同知

張全

婺源人由舉人歷知雅州多惠政民謠曰
急流下有深灘劉澤後有張全陞任去立

去思
碑

孫 籌

知榮經籌邊決策立政有方

阮 福

豐城人榮經主簿務德化興學校上下稱之

張 淮

襄城人進士詞判雅州清操不苟僚屬化之世按察司僉事

周 安

武岡人知蘆山屏奸去暴興革咸宜卒於官

趙 良

永康人進士任都給事調蘆山縣窮凶疏達通懷之望僉事

易 黿

會同人嘉靖中知名山勸農節時多惠政卒於官

直隸嘉定州

雍正十二年陞為府

漢朱博

杜陵人由左馮翊為大司農左遷掾為太守先是南蠻若兒數為寇盜博厚結其昆

弟使為反間襲殺之郡中一清徙山陽太守後代孔光為丞相封陽鄉侯

李邈

郫人與兄朝俱以文稱劉璋時為郫長先主領收為從事正旦行酒讓先主曰振威

以將軍宗室肺腑委以討賊元功未効先寇而滅邈以將軍之取郫州甚為不宜先主曰知其不宜何不助之曰匪不助也力不足耳有司將殺之孔明力請得免久之封安漢將軍

蜀漢陳震

字孝起南陽人先主時拜掾為郡建興中遷尚書令奉命使吳孔明與兄瑾書曰孝

起忠純之志老而彌篤入吳與權歆盟定好還封城陽亭侯

鄧方

南郡人以荊州從事隨先主入蜀為掾為屬國都尉章武三年卒史臣贊曰揚威才

幹欽獻文武當官理任衍衍
辨舉國植才施有義有欽

李

嚴

南陽人少為郡吏以才幹稱先主定蜀拜
為興業將軍賊馬秦高勝等起於鄭合數

萬人至資中時先主在漢中嚴不更發兵但率將
士五十人自討平之越雋夷帥高定遣兵圍新道

縣嚴馳往赴救賊
敗走加輔漢將軍

王

離

廣漢人以治幹稱為督軍推法平當
後代何祗為犍為太守政有美績

晉杜

軫

成都人犍為太守前為池陽令治最百姓
為立生祠與涪人李驟齊名每有議論朝

廷多允行之軫蒞任惠愛在民既沒後弟烈字仲
武為衡陽太守自表兄子幼弱求去官扶軫喪還

葬舊墳武帝歎惜軫才未盡其用而嘉烈
之意詔轉犍為太守亦有美政蜀人榮之

隋段文振

北海期源人仁壽初嘉州獠作亂文振以行軍總管討之引軍山谷間為賊所襲文

振復收散兵出其不意竟大破之

趙昱

青城人與道士李珣遊累辭徵聘後煬帝徵為嘉州太守時州有蛟為害昱令民募

船數百率千人臨江鼓譟自披髮仗劍入水天地晦冥少頃雲霧斂收昱左手持劍右手提蛟首奮波而出河水盡赤蛟害遂除唐太宗封為神勇將軍廟祀灌口明皇幸蜀進封赤城王宋張詠治蜀值賊亂詠禱祠下得神助蜀平事聞封川

主清源妙道真君至今奉祀者比屋焉

唐李思行

隋大業末為唐公李淵使長安具論機策以贊大議京師平神堯即位擢嘉州守封

樂安郡公卒贈洪州都督諡曰襄

李百藥

貞觀中為夾江令有政聲尤富於文學嘗撰北齊書五十卷

岑參

南陽人天寶間進士杜甫薦之遷侍御史出拜嘉州刺史敏於政事後退居杜陵山

有嘉州詩集行於世

花驚定

長安人至德間從崔光遠入蜀討平段子璋有功卒封忠應公健民感德立祠祀之

薛能

汾州人會昌六年進士咸通中以監郡攝嘉州事政尚嚴察絕私諂雅好題詠有江

山集許昌集

十卷行於世

孟昭圖

黃巢之亂田令孜勸僖宗幸蜀從之至成都黃頭將作亂昭圖時為左拾遺請奏對

不允因上疏極陳黃頭將亂陛下惟與今孜開城自守不召宰相共謀厚臣欲入不得求對不許天

下者高祖太宗之天下非北司之天下陛下九州之天子非北司之天子北司豈忘忠於南司廷臣豈無用於勅使疏入令收矯詔貶貽圖嘉州司戶參軍至墓頭津殺之士論惜焉

王公元

瑯琊人宰洪雅政理俗化教民以禮累官至檢校尚書虞部員外郎兼御史柱國

五代田淳

嘉州龍游令孟蜀嘗以國用不支始鑄錢錢凡須鐵者署場權之又遣使嚴督諸路

累年負通淳上疏言擾民犯天意聚財損君德語甚切直淳又好談治辭大略累陳朝政得失嘗言王昭遠伊審微韓保正不可用或勸之以進辭取費淳曰大丈夫豈能附鼠輩求進哉又上諫用兵疏

劉贊

蜀王衍時為嘉州司戶時衍學士韓昭等為狎客陪宴後宮宮女雜為豔歌謔浪鄙

褒貶獻陳後主二閣圖併作歌
以詠之行雖不罪不能用也

宋袁繼志

井州人乾德中征蜀隸大將劉廷讓麾下
既克蜀除嘉州監軍死之日家無餘財

紳稱之子用成雍熙初
登進士官太常博士

王明

知榮州乾德初太祖召公卿舉清白吏才
幹者一人給事中馬士元以明應詔為左

遺拾

楊禎

乾德初為夾江令歲饑盜
起禎賑濟有方盜賊寧息

李虛已

知榮州太祖書布惠愛民奉法除吏等
字賜之虛已兼工詩有雅正集三十卷

劉美

井州人父通宋初掌禁旅遣嘉州刺史美
以劉后兄事真宗于藩邸被視信真宗即

位補三班奉職大中祥符二年護屯兵于漢州徙嘉州上屢欲委之兵柄以皇后懇讓加武勝將軍節度使卒

贈太尉

左震

大中祥符間令捷為作與人材建儒學立興文樓以教邑之子弟

陳希亮

青神人天聖間進士初為大理評事累遷判三司朝廷以三司事冗簿書留滯乃命

希亮又兼開折司榮州鬻鹽凡十八井歲久泉竭有司責課如初民破產籍沒者三百餘家希亮為言還其籍歲蠲

三千餘萬斤

黃疇若

豐城人董璽合部族入寇疇若知嘉州邊備廢弛而平戎莊莊民可用遂權免是年

炭估麻租令子弟上還守備璽覲有備乃退後還禮部

石介

魯人為嘉州軍事判官善著惡惡遇事敢為州人立祠祀之

賈昌朝

為嘉州守東坡有送昌朝詩所著有厚經音指其七卷引經義議政益自昌朝始

吳祕

慶厯初祕對劉牧易傳五十卷於朝優詔獎之後知嘉定州有善政

沈立

東陽人慶厯間知洪雅有政聲著海棠記劍南風物錄三十六種

宋白

開封人為玉津令有詩曰竹底衙人吏花間押簿官可以想其風趣卒諡文安有文

集一百卷

行於世

李政

為國子直講諸生最謁見政市角火起是日報除榮州後還朝力言榮州鹽害得蠲

歲額三十萬斤還雜役三百一十五家所著有張乖崖語錄四卷

羅拯

祥符人知榮州州介二江每水漲輒犯城郭拯作東西二堤以除其患後歷轉運使

所至皆
有惠政

吳仲復

永興人進士及第知我眉縣縣多淫祠仲復悉廢之廩於居官代還不載一物後官

監察御史庭龍

同閣直學士

劉侖

安福人元豐進士紹興間為我眉令治先教化為文剴剔瑕類卓偉不凡有雲龍集

二十卷
行於世

宇文昌齡

雙流人登進士為榮州推官熊本經制梓夔郡凡攻討招集建南平諸城砦皆

出其畫後召為
左司員外郎

王庶

慶陽人崇寧間進士庶益為京西宣撫使求庶自副高宗即位除直龍圖閣鄜延經

略使累立戰功知成都改嘉州後為湖北安撫使

楊承仁

紹興中嘉州通判時鄭克為四川經略法頗峻承仁曰政而虛行之非立法意也召

諸縣令曰平易近民思咸並用具謹行之

王知遠

紹興間守嘉定上疏乞復嘉之豐遠邛之惠民二監鑄小錢以便民用民懷之

孫松壽

郭縣人紹興中進士知嘉定府有惠政

何耕

知嘉州有惠政與何達原孫松壽宋誨先後繼美人思之繪像以祀曰四循良

呂由誠

河南人知嘉州臨事精敏老吏不能欺唐恪薦其剛正有家法宜任臺臣召至京與

恪議不合
力求退去

楊泰之

青神人攝通判嘉州白崖砦將王璵引蠻寇利店刑獄使者置璵于法又欲論平民

以鄉導坐死泰之固請釋之
不從乃去官著述甚富

王淮

郫人知榮州清節大著

張頤

為榮州助教進所藏書二百二十一卷秘書官言此皆闕遺之書乞加褒賞詔賜進

士出

身

李燾

知榮州榮因溪為隍夏秋率苦水潦燾築防捍之

張方

提點刑獄治事嘉定循行州縣平滯獄劾貪吏又開新渠以溉三江怒濤自是舟行

無志

孫詔

字尹升紹興元年知洪雅修學宮繪田淳像以風學徒

張价

淳熙間知涪州在官崇尚風教清介卓立有興學講道之功諸生型像於學宮

楊仲修

臨邛人淳熙間為榮縣令與士夫李昌齡等九人議政明道張孝方稱其有美政焉

游仲鴻

南充人淳熙進士趙汝愚甚重之初調懷為簿知中江李昌圖奇其才薦之孝宗登

選員定大策出拜嘉州民有積負奏罷之又修堰通水政平民悅卒諡曰忠

魏了翁

初以武學博士召試七對策語甚切直御史徐相勸其狂妄遣校書郎達以親老乞

外補知嘉州為政寬平士民胥悅

何逢原

溫州人開禧中知嘉定府以愛民為心
若論語解又註王梅溪詩傳之變學

宋中和

眉山人舉進士慶元初守榮州
廉勤節儉為西蜀循吏第一

高定子

嘉定二年進士知夾江以教化為先寬植
酷水潦民饑發原給諸富家俾以時價糶

出而民懷之由是米
溢於市民得不饑

俞興

理宗時守嘉州元兵圍城五旬興夜開閤
力戰而圍解尋以興為四川制置副使知

嘉定府事兼成都安撫副使理宗曰俞
興嘉定城下之捷尤為奇偉賜金帶

元傅夢臣

京兆人為嘉定總管政事明
敏有器局善撫字稱為循良

塔爾海

蒙古人登進士擢嘉定府同知以清謹見
稱任滿陞宣撫同知民為立德政碑頌之

明李習

淮安人洪武初改嘉定府為州習以御史調知州事撫字有方民安其化

張宗

沂州人由監生知嘉定剛果治事廉正律已深得民心

段鑑

昆明人由舉人知嘉定多惠政作排柵以捍江漲曾手植松柏百餘株於學官以誌

遺愛前人稱嘉守以鑑為最

魏瀚

餘姚人以御史謫守嘉定才識過人築衛城堤修明倫堂尊經閣壁津樓續修州志

山川形勢悉有題詠官至都御史

曾榮

府城人舉孝廉天順間任掾為教諭誨人不倦為文尚理致不事浮藻一時文體為

之石

李端

雲南人知健為縣士民安之嘗積穀二萬石以賑凶荒解組後遂入籍於健家居時

民有持田券以十金求押一字竟不與其廉如此

趙淮

內銜經歷任同知廉正有幹濟才後左遷通判夫任士大夫甚惜之

蔡璉

知夾江敦本善俗置積善碑書五事曰懼法度有廉恥無爭訟睦親戚和鄉里民咸

勸感

胡準

安福人知嘉州時有盜弄兵潢池準調集兵餉編柏為柵緣堤護城盜不敢入并得

免水患焉

王讓

貴州人成化末知洪雅為政平恕實心愛民去任時囊無長物士民稱其廉嘗於署

後植柏數林人思其

治呼為王侯柏云

歐陽倫

永川人知隄為蒞政清勤實心撫字代去民為立碑

陳達

楊州舉人知歲遠為政平恕深得民心

錢承德

常熟人以御史謫知隄為廉能正大政教兼舉

胡纘宗

字世南泰安人官翰林檢討以不附逆瑾謫嘉定州州判捐俸修水城衛民廬舍又

教士子多所成就

士民均感其德

蕭敬中

公安人任隄為九載立義倉以賑饑民捐俸薪以給寒士後奉檄督本政調度得宜

吏民建祠於厥以祀之

董良卿

由舉人嘉靖中知夾江值採木之役百姓疲憊良卿招集流移使復業官方以清白

著稱

馬文健

體貌清癯操如冰蘗人以居敬行簡稱之去任日僅炭囊二具

袁昌祚

進士由廣西提學轉叅議駐嘉定平易近人淡泊自甘丁艱去徒跣登舟了無長物

孫徵蘭

字腫足洪縣人進士為御史以直言彈權貴外調少叅駐嘉定時流賊勢日熾乃勤

訓練治戰具地方恃以無患

鍾振

進士知嘉州建九龍書院教養士類

袁子讓

郴州人進士知嘉定九年以廉明著有惠澤及民去任日童叟士女數萬人擁車泣

送百里外以其清白多
持芋蔬哭轅道左云

劉澤

知健為調洪雅居官廉謹以明
果蒞治胥吏畏法陞知雅州

韓立

音州宣慰司人舉孝廉嘉靖中自仁壽縣
調洪雅嚴介有法數年積猾屏跡一境稱

治

東載

曲靖人舉孝廉嘉靖間知洪雅
嚴介公勤重修城垣加意學校

聞道立

永寧人萬厯間知洪雅英爽敏練
修飭學宮吏畏民服擢戶部主事

吳郡

撫李人萬厯間以舉人知洪雅廉
正有守為民丈田均賦民德之

李禎趙越仲鎬袁道徐臻易紀

俱我眉令崇祀名
宦兵火後邑志缺

失事蹟
無考

董繼舒

平原人萬厯間知夾江時邑中甚乏科目

小山於祠後集多士肄業由是科第相望厥後獻
賊之難死忠者孝廉王運開運閩兄弟皆其所作

云育

陳嗣宗

公安人知洪雅為政精明
造就人才士民甚德之

嚴實琰

分宜人舉孝廉任隄為教諭勤於立教
嚴於持已約諸生以修身務本為重

顧樸

廬陵人任隄為教諭邑中冠婚喪
祭替士之用家禮儀節翕然變俗

李如柏

字通公山西絳州人天啓間授嘉州蓮幕
佐理修堰築隄民享其利蘭賊叛軍興有

督運功雖民有被官兵掠獲者捐金贖之既平
常事贊其才會州守缺委視州篆平反冤獄修學
課士尤留心文教陞任去士民勒石竹溪
旁頌之曰惔然不平思我李君紀名宦

習孔言

潼關人崇禎間知歲遠
縣廉介有政績紀名宦

直隸眉州

唐張允濟

青州人仕隋為武陽令廉平自矢
民安其政貞觀初累遷刑部侍郎

蘇味道

梁城人九歲能文與李嶠齊名稱蘇李舉
進士累官中書同平章事太宗朝貶眉州

內史治郡有聲卒
於眉子孫因家焉

王絳

眉州刺史其子為眉州司戶參軍絳入相
武后曰卿在相位何子之速對曰廩陵王

欽定四庫全書



四川通志

卷二

足陛下愛子今尚在
遠臣之子安敢迎

馮元常

眉州刺史銅南有火光盜掠人財晝匿山谷中元常輸以恩信賊相率就縛斬其

為首者餘悉縱之
去皆感化為良民

馬涓

昭宗時眉州刺史王建以為節度判官涓知建有不臣之心凡所賜予悉却不受及

建僭號遂匿跡
山林莫知所終

李獻

眉州別駕以清惠稱時宰相有請婚者力不能拒遂棄官居家其弟遇疾暴卒獻號

指致禱於神弟得復
生時稱其反受云

高仁厚

中和初以西川牙將討賊凡出軍六日五賊皆平拜眉州防禦使

五代張琳

眉州刺史繼章仇兼瓊修通濟堰溉田一萬五千頃民被其惠歌曰前有章仇後張

公疏決水利杭稻豐南陽杜詩不可同何不用之代天工

山行章

攝守眉州時郡無羅城行章合五縣之力成之迨宋淳化中李順亂攻城半載不能

下蓋思行章之績

宋段思恭

乾德初通判眉州時賊攻通州城刺史趙廷進懼不能禦敵將奔嘉州思恭止之因

帥屯兵大敗賊衆州乃獲安

李簡

淳化中知眉州李順攻眉簡設方略堅壁固守賊力屈解去

張逸

字大隱榮陽人天禧中知青神縣多異政除有松柏難歲恆溺死數人逸禱神不踰

月徙數里自是無溺者又興學校教生徒邑人陳希亮楊異相繼登第改其居曰桂枝里後逸以樞

密直學士

知益州

蔣堂

天聖中通判眉州有令名後累歷州郡皆以善政聞祀於益州十賢堂

楊繪

字元素錦州人由進士為開封推官仁宗愛其才欲超置侍從繪以母老請知眉州

有異

政

黎錞

字希聲廣安州人知眉州仁明不苟既滿將代眾請於朝又留三年見蘇軾記

文噩

蜀郡人文翁之裔由進士以大理寺評事知縣事勤民孝弟有六孝子賦

郭敏

紹興三年任考覈簿書明決詞訟時邑無冤民獄無滯囚封朝奉大夫

袁淵明

廣漢人進士紹興二十四年任知縣引泉溉田至今利之

劉光祖

知眉州有德政進直寶謨閣

魏了翁

知眉州尊禮耆耋後蘭俊又延進諸生親為講說士林大悅之

于棗

慶元中知眉州魏了翁贈詩曰士為謀身蛇有足人於囂訟鼠無牙獄書一落于公

手不識從來豪大家

吳昌裔

字委仲中江人嘉定中為眉州教授取諸經為之解說詞周程張朱揭白鹿洞學規

敗潭州釋奠儀薄正祭器士習丕變後通判眉州有政績

元劉恩

元初以管軍萬戶戍眉州勇而有謀以材武稱累立戰功

雍熙

天歷初知彭山修通濟堰以禦旱災民賴其利

張文桂

至大間任州事修構頭書院立夫子廟率士人春秋祀之

明張伯綱

洪武初任州事建州治儒學凡百勅立後人賴之

胡彥祥

陝西人永樂初知眉州重農務本率新學宮修墓頭堰以廣水利

楊鐸

天順間知丹校修城池遠學校百度維新士民依賴入名宦祠

林敷

莆田人進士成化四年知州事以文學防政務築隄修堰興學建橋士民頌之

許仁

廣東人進士成化十五年知州事修學校以興文教祔聚秀亭以誨生徒考最加從

四品

俸

郭祥鵬

秦和人進士成化二十二年知眉州持廉秉公歲歛賑濟有方全活甚衆歷官叅政

王鐸

陝西人有孝行舉進士弘治六年歷知眉州以治行考最遷秩四川叅政

張瓚

中部人弘治中知眉州勤敏廉潔卒之日囊無一錢

原道

蒲城人舉孝廉正德中知眉州剛正有守糾建石城不煩民力民思之

楊麒

字夢孚雲南舉人嘉靖初令青神廉介勤政歷任八年擢安順守去任日行李蕭然

百姓送之

蔣廷璧

普安人舉孝廉嘉靖中任青神教諭性忠直立教嚴明捐俸以給寒儒著璞山教約

吳廷秀

雲南舉人嘉靖十年令青神興利除害惠政良多五年擢夔州府通判督大木卒於

達

舒大猷

通城人嘉靖間知眉州州每苦旱大猷親詣田野見有沙堰淤塞因即高處創開堰

口田皆得水又治東五里許近大江居民屢遭水患復為築隄數百丈插柳固岸至今賴之行取員

外歷官浙江

左布政使

陳尚表

鞏昌人由選貢任眉州牧天啓元年以課最陞湖廣常德府同知

尹為憲

眉州牧辰州府人歷任五載教養兼盡陞保寧府同知崇禎十三年眉人請入名宦

直隸邛州

漢王吉

臨邛令有政聲與司馬相如友善

隋柳儉

邛州刺史在職十餘年民莫悅

唐袁天綱

成都人好道藝以相術聞貞觀中為火井令嘗登山相縣治後人因名其山為相臺

杜滿入京太宗召見謂曰巴蜀古有君平卿自顧

一時如王杜輩天綱皆於風塵中識之所決禍福無不立驗善數學者每推袁氏云

柏貞節

邛州刺史能禦段子璋徐知道二寇之亂杜甫詩蜀中寇已甚柏氏功猶存

宋馬知節

至道初為益漢邛等州都巡檢使會劉玐胥牙兵為亂知節擊斬之云

燕肅

字穆之益都人舉進士知臨邛縣民嘗苦吏追攝肅削木為牒民訟有連逮者書其

姓名使自召之皆如期至

張及

知臨邛時太守欲引水泛舟達吏於縣決堰時農事方興及曰涸民田以事嬉遊可

乎令可去水不可決太守敬答謝之

文同

皇祐間通判邛州王安石送以詩文翁出治蜀蜀士始文章華華漢守孫千載起相

望

王伯憲

紹興中令蒲江民安訟簡有無訟堂民為立碑

李昌圖

乾道中知邛州請減積欠錢引民莫不感其德

陳寧

火井令民戴之如父母畏之如神明

趙雍

淳熙間知邛州以儒術飭吏事待士恤民期年政化大行郡人畫像以祀之

姚希得

知蒲江巨室挾勢希得以嚴治之聲譽著聞

張方

嘉定中守邛州敬以立體寬以惠民去官後人多思之

明張

郁

洪武初為邛州同知修葺起廢興學校繕城郭士民安之

聞仲昌

知邛州練達政體勤於撫字天龍寶謀叛寇掠鄉村仲昌率兵立柵禦之寇遁民賴

安以

羅質

南昌人知邛縣勵精政事一塵不染民甚德之

安郁

字從周臨潼人蒲江典史正統中邑大旱郁齋沐頓天積柴於紫極觀立誓不雨則

自焚至期大雨民謠曰安從周積薪樓惑天雨民有秋首無衣今有秉陞知本縣事

熊祥

麻城人舉孝廉知蒲江築土城修儒學建演武場政績大著子鎮知成都縣有政聲

後知邛州

李廷詔

福建人守邛州端方有善政修砌石城民永賴之

馮泰

大邑令廉正無私勞心撫字邑人德之秩滿保留復任九年

杜廉

長沙人舉孝廉嘉靖中知邛州閭里壩疏通水利州人受其賜

楊完

泰和人嘉靖中知邛州性狷介居官數月訟簡刑清以母老向治兵使者乞終養不

聽強欲解組而行使者難之曰若不為利得無為名耶完曰大人第聽去即為名為利皆可也使者

竟成

其志

姚 誼

高郵人知邗縣築城垣改州治事不辭勞此有成績

直隸潼川州

雍正十二年任為府

蜀漢霍峻

字仲邈枝江人仕蜀為中郎將先主取劉璋留峻守葭萌張魯遣部將楊帛誘峻求

共守城峻曰頭可得城不可得帛退去後璋遣部將扶禁向存率萬餘人由良水攻圍峻侯其急選精銳出擊大破之斬存蜀既定嘉峻之功乃分廣漢為梓州郡以峻為梓州太守子弋為太子舍人後主立太子濬以弋為中庶子盡言規諫甚得切確之體後為參軍

楊 戲

知梓州為政清約不煩

張 翼

字伯恭武陽人為涪陵令遷梓潼守有守禦功官至左車騎將軍

晉周 琥

為梓州太守時妖賊李弘李金根等聚眾萬餘自稱聖王琥討平之

梁趙 瑤

為小溪令歲旱瑤率官吏齋戒於邑三里外引咎自責稽首流血應時大澍民德之

隋董淑封

開皇四年為鹽亭令有德愛政暇遊鳳凰山後人思之號為董淑山

姚 萇

字景猷長安人開皇間為西川都統瀘夷寇善昌二州文帝命萇帥西川之兵討之

有功擢善州刺史兵亂後民多流徙萇招徠安業後卒於官民為立祠其子孫遂家焉

李直之

字正叟長安人任凱州刺史八年除害去弊興學設教化行俗美晚年上疏乞骸隱

於銅官山童稚歌曰我知古凱州今日得李侯李侯切莫去此地無可憂年七十九卒民祠祀之

魏文昇

資中人山獠作亂文昇單騎造其營諭以利害渠帥感悅解兵而去前後歸附十餘

萬上大悅以
為遂州總管

唐唐

儉

善陽人武德初都督遂州以守禦
功給食綿州六百戶封莒國公

蘇榮

味道之父為梓州
參軍人皆稱之

郭元振

初名震大名入神龍間為通泉縣尉任俠
不檢小節嘗盜鑄錢武后詰之既與語奇

其人索所為文上寶劍篇后嘉之遂得擢用景
雲二年進同中書門下三品以功封代國公

崔城

開元十三年任遂州刺史詔
宰相諸王御史以上祖餞之

顏杲卿

司法參軍性剛直蒞事明決嘗為
州刺史詰讓正色別白不為屈

賈島

字浪仙范陽人為普州司戶
參軍工吟咏人為刻詩於碑

盧坦

字保衡為節度使東川兵戍安州坦時使人問其父母妻子視疾病給醫藥士卒感

之不

置

馮宿

字拱之東陽人東川節度使完城郭增兵械十餘萬浹水數壞民廬舍修築防禦民

之賴

王潛

唐興令修明政事尤存恤鰥寡

薛昭

汾陽人為普州刺史以廉能著聲

喬琳

太原人至德中任刺史創立學宮文敬盛行

柳仲郢

公綽之子字喻蒙大中六年為東川節度使在鎮五載美績流聞大吏邊章簡挾勢

肆貪前帥不能制仲弢
因事殺之官吏肅然

李絳

任東川節度使恩
威並行吏民畏服

王涯

字廣津穆宗立出為絳南東川節度使時
吐蕃寇邊西北騷然又掠雅州涯調兵拒

之上言蜀有兩道直據賊腹一由龍州以抵松州
一由綿州威番柵以抵樓鵠城皆險要地臣願不
受金帛使信臣持節與北虜約曰能發兵深入者
殺某人取某地則受某賞開懷以示之所以要約
款好為他日用則邊
警無虞矣帝不報

竇兢

字思順為鄆縣令修郵舍除道路設
冠婚之制定祠祭之儀百姓德之

李商隱

字義山第進士大中七年東川節度使柳
仲郾辟為節度判官檢校工部郎中在東

川最久於政事多所贊畫一切箋奏咸出其手

李洪

生而神異為小溪令惠政良多家居值歲歉捐貲全活十萬家及卒人為立廟祀之

宋崇寧間賜號豐澤明正德間鄆監賑宋繼大焚之不能燬其廟但聞空中隱然有聲賊驚遁去人咸異之

李匡遠

開元中為鹽亭令捕盜勤勞時號健令

夏侯端

梓州刺史以祕書監出任散祿周貧不為子孫計

宋燕肅

知梓州有異政又嘗作蓮花漏用候昏曉並刻石以紀其法

司馬池

令小溪正版籍均賦役以澤民為心劉華辟知司祿系軍累官天章閣待制

張仕遜

字順之陰城人進士令射洪以寬厚得民嘗禱而使君祠須臾大雨仕遜立廷中而

足乃去後轉運使檄移治鄴民遮馬首不得去遂聽還射洪安撫使至梓州問屬吏能否張雍曰射

洪令第一改襄陽令累官同中書

門下平章事封鄧國公卒諡文懿

張雍

安德人知梓州值王小波李順之亂守城却賊蠲煩苛尚簡素後人為立祠

勾士良

少城人嘉祐間以秘書丞出知中江築隄捍江憂深慮遠其隄防三興三廢後令廖

子仲克
成之

廖子仲

治平中由太常知中江前令勾士良築隄捍江名勾隄子仲更築之永稱鞏固

馮瓚

知梓州賊夜攻城瓚密令促更葺未夜分擊五鼓賊悉遁去因縱兵追擒其首境內

獲安

康延澤

晉州刺史全師雄作亂延澤招散卒千餘人破賊衆三千由是賊勢少沮普遂等處

皆平民始安居

程建用

字彝仲眉山山人元豐間知中江以循吏稱嘗作書寄蘇子瞻記山亭狀風物寫情景

山川如在几案間學識才行有大過人者

趙朴

為梓州轉運恩威並著教養兼施父老子弟罔不悅服州人廟祀之

彭乘

知普州普人鮮知學乘為興學召其子弟教育之

程通

熙寧間中江令不事繁苛政教畫一民賴其治

趙尚寬

如梓州恩惠洽民為一時所推敬比代去吏民遮道攀戀不已

范百祿

提點利梓二州刑獄諸將欲屠瀘夷之衆降者百味堅執不可遂受其降安置得所

范純禮

字彝叟吳縣人仲淹子以祕書省出任潼川有還將調度奇繁純禮一以靜鎮待之

辦兵不取諸民民團像於廬奉之名曰范公菴草場大守吏湯息純禮曰草燥則生火何足怪但使密償之庫吏盜絲多罪至死曰以勢然之絲而殺人吾不忍也聽其家起賣以贖抹連者悉釋之後

擢戶部郎中

京西轉運使

虞祺

仁壽人進士歷知潼川以仁愛莊治秦檜嘗遠督使貢方物祺以地瘠民困聞於上

補

而止

劉甲

字師文東光人忠肅公摯之孫以實讓聞學士出任清心約已疏滯滌弊度地以居

民發廩以賑乏儲書以勸學市田以養士前後費巨萬奏免稅緡八萬四千有奇

黃震

字伯起蒲城人進士為遂州判官詔給兩川軍士緡錢東川詔獨不至軍士遂謀為

變震白主者曰朝廷忘東川耶殆詔書稽遲耳即開州節給錢如西川衆乃定明日詔果至累遷尚

郎

許彪祖

玉池人紹興間知中江作義阡於亞松山收暴骨無所歸者瘞之凡九百餘冢

唐文若

字元夫眉山人士少英邁為文豪健登進士分教潼川給事勾濤薦之詔赴行在既至

而勾濤出不得見文若奏書闕下略曰昔漢高慢士四皓去之而西都少廉恥之人光武禮賢嚴光

友之而東都多節義之效陸下駐蹕東南兩宮將
歸五路初復正宜市朽骨武怒蛙以來豪傑寧惜
此數刻之對耶翌日召對

高宗大悅改官通判漢州

賈尹

富義人紹興間中江令作達荒漏
縣尉楊大中有記居官多惠政

趙善宣

開封人知遼寧府才猷練達善
於經制嘗徙建儒學至今仍之

王儔

字尚友平陽人乾道中知樂至廉
潔謙恭寬民嚴吏民立生祠祀之

家炎

眉山入鄭令先是鄭二十年皆攝今人疑
其不利盧正寢不敢居炎至居之時兵火

創殘之餘折器訟簡冗費代民輸賦二十萬有奇
學故有稽沒盜田鄉人有為盜謀於宣撫司檄反

其田炎具本未白宣撫歸於學
後遷敘州通判知資彭普三州

李熹

熹之弟知道寧治民寬厚凡無名之賦悉奏蠲免

李垕

字叔勤熹仲子知道寧府政主簡靜濟以剛果間有措置卒歸平恕郡人宜之

李壁

字季璋熹季子張福攻逆寧壁傳檄諭之福讀檄泣下會官軍搦賊賊忿盡焚其城

顧府治曰李公所居勿壞之壁授計於大將張威遂平賊

許弈

字成子簡州人淳熙中以實謨閣直學士出任導利去害潔己愛下捐贖錢十二萬

為民代輸當靈雨壞城夾撤而築之不甚煩民民立祠祀之

宇文峒

成都人嘉定間為邑酒正攝縣事建學宮祀周程朱張四子度正魏了翁有記

張材

開封人隆興間知樂至有惠政及民民咸仰賴之

勾大章

字德成士良之孫士良嘗築西隄歲久傾圮大章沿岸創為隄防三里許名曰勾公

隄祭軍景

西仲有記

鄧應午

字明父新都人進士初為高博尉時潰卒近境人情洶洶應午督兵守禦乃定歲大

疫市藥散賑不遺餘力郡有疑獄一訊立辨嘗攝令通泉莠吏弊免過徂後為華陽丞

扈元

永泰令興學立教有善政及民

張宏

字巨卿益都人進士知遂州以勤儉著聞後入為度支員外郎

劉光祖

淳熙中召對恢復事宜除直祕閣出任邵州慈惠得民仁聲四達時賢守光祖稱最

焉

趙仕陴

知遂寧江水暴漲瀾江有隄水啗其趾仕陴素胡牀坐隄上左右請避去不許移時

水落時人以

比王尊云

魏了翁

攝潼川事修陴浚隄賊兵過卽知其有備不敢攻而去後為潼川知府約已裕民政

績大音轉本路安撫使

李禹卿

字君五新水人嘉定元年以鍊寺丞出任廉明多善政惠商通遠百物充牣幼子偶

出市從者賈玩具授之辭不受識

者異其子而益信禹卿素履云

趙昂發

字漢卿昌化人淳祐進士為遂寧州司潼川簽判素以節行稱後守潭州死節

元周 鎬

晉寧人射洪尹多善政崇教化建金華書院

汪敬昌

監遂寧州去民瘼除奸黨上下稱其廉能父老立頌德碑

明董煥英

寧波人洪武間自巴州牧遷知潼川府以文章飭政事聲震一時威德大著

鄭文彥

大同人洪武間知潼川府持已方直賦役均平後陞工部侍郎

錢恕

洪武間知遂州有廉潔行存撫字心創建壇廟廡署民不知役

范府

洪武間由舉人知遂寧裁抑豪悍修復學宮易土城以巨石永為一方保障

葉國華

興國人進士知遂寧小心畏謹凡舍卒難已之費悉以俸資應之其父自任還里莫

能治裝邑士大夫率助以金後改南昌徵授戶部主事

譚道生

始興人知潼川廉潔有守具幹濟才郡城圯壞伐石更修制強梗撫善良簡詞訟在

任七年郡中
大治致仕去

唐汝楫

武功人洪武末任安岳公勤蒞政撫民有恩去之日民擁道泣送之累官禮部侍郎

姬靈

永樂間知蓬溪重修縣治始正版圖

吳昌衍

進士宣德間知鹽亭勤恤民隱因地制宜地制賦甚協人心後徵入為御史陞四川左叅政

郭鏜

思縣人進士成化間以大同巡撫謫任射洪節冗費省科罰均徭役期年境內翕然

治稱

陳琬

由監生成化間知鹽亭剛直有才邑路去保寧甚遠夫役苦之琬議南部民出柳邊

驛接遞又申免戍邊民
丁邑人至今頌其功德

章昂

雲南嵩明人弘治間任中江流賊猖獗誓死守城賊為解去

蔣容

字德夫武進人弘治中知潼川下車三月即增修學宮創東西廡舍三十間扁曰六

德為諸生講讀之所又撰郡志以振屬人文建名世堂以表章先賢築東城隍以消水患修來熏橋以成利涉政平人和甘露降於庭柏士民德而頌之

余祺

新建人正德間知中江除巨盜釋冤獄賑活饑民甚衆邑舊有茂州守倉役民破產

莫能供力請罷之創五門月城尊經閣又重建鄉賢名宦等祠社學倉庫棲義軒述舖無不加重意陞

廬州

知州

胡進律

正德間由舉人為鹽亭令剛介明敏創修城池為邑保障時鄢藍猖獗賴以固守云

胡績宗

由檢討謫官正德中知潼川以文學飭治一切檄命差役一律丁糧以定輕重興學

教士以文章政事稱於時

滕友

西安人進士安岳令謙謹有才多牧民之政

牒昇

蒲城人安岳令廉平愷悌視民如子歷九年如一日擢鄧州知州

顏公輔

巴陵舉人正德中任知縣均徭平賦寧罰省刑卓有循良風民思其遺愛為立祠祀

之

程春震

雲夢人進士以御史調安岳發摘如神築城垣修公署弘治中大旱賑恤安集曲盡

其心後盜起糾兵捕除民賴安堵

王紹先

貴州舉人任中江知縣刻厲苦節一文不取百姓咸受其福以不肯阿時乞休去士

民思之

胡叔寶

永康人 中江尉初蒞任民有當辟者其親屬暮夜懷金祈充叔寶執赴公堂置之法

縣令胡定一以縣政詰之叔寶勸農桑興學校定科差平賦稅南陽李賢奉勅察蜀吏治疏其善政以聞遂陞知本縣

張暹

字景暉丹徒人射洪令節冗費省科罰均徭賦期年民無訟許野無寇警境內翕然

治稱

張東周

蒲圻人進士嘉靖間由雲南僉事謫州同懷慨任事署篆多惠政條陳地方利害上

官多允行之
後卒於任

李明

吉水人嘉靖間知安岳剛正有才改還學宮重修縣署徙壇壝建橋梁除巨盜為政

肅嚴

陶清

字揚之建昌人初守劍州以治繁調知潼川端方剛果吏不為奸事至立辦新學校

正士習潼
人甚德之

趙德宏

鶴慶人舉人嘉靖中任潼川牧自幼有孝行御史唐龍奏聞旌表及蒞潼有善政增

修城垣民
賴保障

段有學

昆明人知中江縣政尚寬平擒妖賊捕夥盜民甚戴之

董性

麻城舉人嘉靖間知安岳臨民以寬馭吏以嚴課諸生除巨盜斷冤獄民為立碑頌

之

張厚

貴州宣慰司舉人政多仁愛嘉靖戊子年大荒力請當路得發帑金全活甚衆明年

麥秀五歧以得罪監司去官士民泣送衆人釋耒爭肩其輿出境

顧雲鳳

常熟人進士萬厯丁亥知潼川州為政最得大體凡民輸課必令自稱兌不多分毫

郡當孔道應之整暇有術吏民不病治
潼七年民深受戴陞刑部員外郎去

王良謨

黃圻人由舉人知道溪六年事治民懷革自弊立社倉率義民助輸供得穀萬餘石

分儲之以濟貧民復買學田士民不能
舉婚喪者輒助之遺民久而不忘云

吳伯錡

夷陵州人知遂寧輕刑薄罰一無私徇一時感頌稱吳青天陞雅州太守

田舜年

字壽子山陽人由選貢崇禎中知樂至務實政做常平道意建倉備賑樂邑久乏科

目舜年又建書院親為講授年六十未舉嗣士民代積於神果生一子因名樂生陞陝西平涼同知

民請崇祀名宦

雷 轟

都勻人由監生知鹽亭除勤慎有聲賑荒多所全活陞雲南北勝州祀名宦

梁一桂

懷集人由舉人知鹽亭政尚簡靜百事振修祀名宦

張 寬

應山人知鹽亭政期平恕時值兵燹供應得宜上下稱善

任賓臣

印江人由舉人知遂寧在任精白乃心平易蒞政值獻職圖遂與鄉官呂大器招集

義勇身先士卒力守城池
賊遁去邑民賴以保全

詹承祉

浙江人進士知遂寧寬仁清儉修理城池兵火中賴以保障邑人為立去思碑

直隸瀘州

漢成存

廣漢人建安十八年始置江陽郡以都尉成存為太守有嘉政

蜀漢彭義

字永年廣漢人官州書佐劉璋時以罪髡鉗為徒隸會先主入蜀義往見龐統統薦

之先主領義傳宣軍事指授諸將奉使稱意成都既定先主領益州牧拔義為治中從事丞相亮密言義心大志廣難與保安
主意稍疎左遷江陽太守

隋張威

高祖時王謙作亂以威為行軍總管從元帥梁睿擊謙軍次通谷謙守將李三王擁

勁兵拒守，審以威為先鋒。三王初開壘，不戰威令。言侮以激怒之。三王果出陣，威令壯士奮擊。三王軍潰，大兵繼至，擒斬四千餘人。進至開達，謀將趙儼衆十萬連營三十里，威鑒山通道自西嶺攻其背。儼遂敗走，追至成都及謙平進位。上柱國拜瀘州總管。

唐陸弼

潼川人。天寶中，為州刺史。德澤及民，卒於官。觀過射洪白崖山下，溺焉。人立廟於山。

曰白

崖廟

劉昌裔

太原人。遊蜀，適楊子琳亂，昌裔說之順命，尋以裔為州佐。

柳玘

以左補闕忤中官景福，初出為瀘州刺史，操行廉直，有父仲郢之風。

宋錢若水

字澹成，河南人。知瀘州撫綏，有道得黎民心。歷官樞密使。

劉平

開封人夷人寇清井以平權瀘州事平率土兵三千擊走之寇準薦平知瀘州自是

遑勞不作

何湛

通判瀘州權郡事蠻酋乞弟率眾迫城湛單騎至其營開說利害乞弟亦單騎送湛

入城隨即引去民賴以安

王光祖

開封人知瀘州乞弟既降光祖團結兩江夷族為義兵自是瀘夷不復為邊患

王獻可

知瀘州時黃庭堅以黨籍謫涪人多畏禍不與交獨獻可遇之甚厚時人稱之

孫義叟

徽州人政和初由徽獻閣直學士師瀘州築城有功徽宗賜書獎諭之

李如晦

紹興中知江安撫行廉介為士大夫宗

許 弈

簡州人知瀘州威望甚著夷酋王燦梓木萬林入賈弈慮其探山陸之險驅之去時

安撫使安丙新立大功謹忘日聞宰相出謫書問弈并願以百口保之

馮 檝

知瀘州紹興中詔海外四州與免經略檝抗疏不便於是瀘敘州長寧軍皆得免瀘

民甚德之

張 奎

通判瀘州通敏精強甚有治蹟吏不敢欺

魏了翁

開禧間知瀘州修樓堞增器械教武事申軍制興學校蠲宿逋復社倉創義冢疋養

濟院數月

百廢俱興

李 燾

知瀘州葺石門堡扼險要奏禁茶馬市又禁入山伐木以杜夷人借事入寇之端皆

報可

梁玠

乾道中知瀘州歲餘民便之詔以瀘州為一路命玠為安撫使以旌其能設瀘州路

井安撫使

自玠始

楊汝明

知瀘州廉直有守撫綏得宜民皆懷之

常丞

廣安州人知合江撫綏有方民慕德政勒碑頌之

何文才

資縣人知江安十年廉能著聲

趙邁

知江安有善政民立碑頌德

元牛世雄

成都人皇慶間為江安令釐革弊政蠲除冗役修設學校善政甚多江安民咸服其

化

安文憲

延祐中守瀘州興學重農卓有異政

王佑

長安人知納谿創建廟暇日集儒生講論經史文

杜夔

字舜臣平原人令納谿為政愷悌慈祥民不忍欺

李福

字介甫凌雲人知納谿勸課農桑邑人德之

明陳謙

茶陵人洪武初知瀘州時州屬重慶謙奏改直隸興學校重農桑卒於官民立祠祀

之

胡瑞

字天祥新淦人知納谿縣明兵敗偽夏瑞率衆首先歸附有保障功

彭 律

江西人由進士洪武初任合江訓導治修學校撫流民賑饑荒全活甚衆

王仕忠

武昌人知瀘州均徭役節時用窮民多賴存恤

林遵義

莆田人知瀘州約已愛民九重學校一時士民戴之如父母

賀 讓

衡山人正統中知瀘州有善政遇旱徙跣懇禱雨輒隨車

張 翔

崑山人知瀘州廉清正直與民興利去之日百姓泣送之

楊 瑋

華亭人知瀘州為人剛介無欲政舉民安上下信服

程 達

婺源人由舉人知州事為政嚴明而濟以和易執法無私豪右斂跡

黃 倫

知江安臨事果斷化行政美既去民立碑頌德

易子晉

知江安時大軍駐縣調度供億處之裕如歲荒發原賑民未白監司竟以此得罪去

胡思忠

直隸人知瀘州留心民務瀘賦至重懇請減每石徵銀五錢三分自思忠始

胡先

廣東人任御史以直言謫瀘州驛丞委攝州事去淫祠修學校恤孤貧除豪猾多善

政

謝廷詒

由歲貢任江安縣教諭受學蔣道林以月率諸生教誨義尚禮讓有裨風化人爭傳

誦

朱銑

字文澤江西樂平人先任黃陂以忤權貴調合江端潔簡易值兵燹後修築縣治民

不知勞

李英

成化元年任江安縣丞時縣中土城仍宋元之舊歲久頽頽英攝縣更修石城民賴

保障

直隸資州

隋衛

鉉

益州總管長史仁壽初山獠作亂出為資州刺史以鎮撫之鉉單騎造其營謂羣獠

曰我刺史衛天子詔安養汝等勿驚懼也諸賊莫敢動於是說以利害渠帥感悅解兵而去前後歸附者十餘萬口高祖大悅賜錢二千疋除遂州總管仍令劾南安撫場帝即位復徵為衛尉卿諸獠攀總數百里不絕皆揮涕而去

宋張

旦

知陵州時李順黨數萬來攻旦修整戰具驅市人進戰大敗之

何耆仲

任資州愷悌廉慎貳吏受民政事和平

范祖禹

字淳夫治平中任資州龍水令寬簡受民尤以興學校為首務

張伸

字子達唐安人任資州約已敬士撫民貳吏凡作興文學為治稱第一

李景享

熙寧間任資州太守民輸免役錢四十萬緡和糴米六十斛增養士之田瘞久暴之

骨申放生之令兵亂之後人皆歌誦

文同

任仁壽令奏革鹽井之弊名山古蹟題詠最多

楊佐

陵州推官州有鹽井深五十丈歲久幹朽敗欲易之而陰氣騰上入者輒死惟天有

雨則氣下降稍能施工佐教工人以木盤貯水穴竅灑之如雨然於是井幹一新利復其舊

楊 紹

紹聖間知陵州監以居民缺水引郫之小龍泉以資民汲號普惠井民利用焉

鄧 棐

紹興中內江令首修庠序利興弊革上下悅之

楊師錫

字舜欽蒼山人紹興中令資陽明教化興禮義邑人繪像祀之

陳 咸

淳熙中知內江均徭役賑饑民修學校積兵儲農人入寇防遏之功居多

仲大年

淳熙中知內江嘗謂政教如五穀種之必生食之必飽若專用刑罰豈善政哉故數

教寬平民受其惠

孫道夫

知資州安撫鄭剛中爲其治行第一移知蜀州盜不敢入境遇事明了人目爲水晶

鹽龍後又

知錦州

李正炎

嘉定中知內江循阡陌勸農桑重學校
豎爲塔以題科名其他善政率類此

李憲熈

內江縣尉與李正炎同時善則贊
之否則規之協心愛民民並德焉

趙彥諒

紹定間知仁壽以德化民不尚威法
再期而民乎繪像於甯漢室以祀之

元劉起昌

知資州勸導有方農勤於
耕士興於學後遂家於資

明馮讓

字伯謙江西人景泰中知井研公正廉謹
端士習培善良嘗纂邑志後因責藩有警

奉檄督運有
功祀名宦

呂律

字正音江西人舉孝廉成化中任
資陽教諭有學有行動於訓迪

王澄

字肅政陝西舉人成化中知資陽政
平訟理修舉廢典時有瑞麥之應

郭方

字仲矩湖廣人成化中知資陽廉明公謹時稱循良者以方為第一

丁銳

江夏人成化中知井研輕刑詳獄士民安之陞姚州去日百姓遮留泣送請入名宦

屈伸

綿州人弘治中任井研催科不擾尤善弭盜百姓安堵焉

王璽

字朝雲舉人正德中任資陽教諭謙已誨人嚴義利之辨有古儒者風陞保寧教授

尋擢涪州

陳鑒

湖廣人正德間知資縣純心愛民會流賊渡江將臨城鑒率眾禦敵破之城東

陳銓

知內江歲凶多方賑恤民免流離捕盜戮渠魁四境寧戢拜監察御史

湛禮

浙江人由進士知內江性廉介政尚寬平任滿去邑父老送之江許禮指一木筮曰

吾室裝奩也命左右啓視之惟簪珥數事而已擢評事歷陞知府蜀人比之趙清獻

方向

桐城人以給事中謫資陽縣德威並著士民畏懷

張文錦

河州人正德中知井研縣芟鋤强暴百姓善良者必獎勵之嘗還學宮於風山士民

服允

陳東

零陵人嘉靖中知井研勤於作士改建倉舖暨題名堂胥役擾於村里者輒禁絕百

姓安之曾著南塘類稿

李佩

南鄭人知內江縣攜二蒼頭來視事醵蔬自甘一絲一布不取於民終戶部主事子

孫貧乏至不能自存

沈伯龍

嘉興人知內江縣有客物量徵輸供億視舊加省詔入禮垣以客謫著

王同道

黃岡人以御史謫內江令調停里甲訓迪人才蘊藉風流古文詞賦咸有逸氣

周希貴

安義人嘉靖末任井研蒞政廉明興學造士嚴保甲脈流移嘗條陳邊儲免百姓輸

運鹽井坍塌

力請蠲課

史旌賢

雲南人知內江縣敏練端嚴遇士大夫有禮表章勝蹟興起人文士民思之建祠以

祀

李用中

朝邑人萬曆壬辰知內江縣性最孝凡家人來署母有所違必焚香西向拜謝居官

清謹累遷淮徐參議卒於官俸入不足以營葬事邑人聞而哀思之

楊應登

雲南人知內江縣征播之役運餉獨先又擒其偽都司以絕亂萌當路尤旌異之

胡承詔

天門人萬曆甲辰進士知夾江縣以治最調繁內江不畏強暴待人有禮作士有法

為政務大體邑

人至今思之

詹淑

字茂修湖廣人由舉人萬曆中任資陽在官九年公正慈廉條陳勸農養士省用恤

刑等議皆

見施行

朱昌

汾陽人由貢士萬曆中任資陽縣仁廉愛民修建學宮崇儒禮士賑荒有術

張仲

崇慶人字子健資州教職新學校與諸生講解有鄰魯之風民立生祠祀之

朱國壽

崇禎中知內江形家言縣治窪下宜培之因於治內建焦樓丙子鄉闈得十一人一

時稱
盛

直隸綿州

漢閭憲

廣漢人綿竹令人有夜行者得遺錦旦乃送縣或曰暮夜無知何不攜去對曰縣有

明府匿
此則慚

晉許遜

洪州人知德陽心本清淨政尚德化有仙術遇歲歉點石為金以濟貧乏邑人祀之

唐劉德威

貞觀初為綿州刺史政號廉平百姓立碑頌德

何易于

先為益昌令大著能聲累有惠愛及民後遷羅江令為政不異於益昌時刺史裴休

至邑見其廉嘆美之宋乾道中縣令楊超為作循良吏碑立於署中

宋鮮于侁

通判綿州州處蜀左吏狃貪風至課卒伍薪炭蜀豆侁一介弗取郡守以下效之

歐陽觀

廬陵人綿州推官廉潔好施凡死囚必求其生不得則告天而後斷

毛嘉會

括蒼人嘉泰間綿州守發粟賑饑伸決寬滯

明李博文

洪武中知安縣守已受民政績超卓

江洪

蒲圻人洪武中以叅議謫知綿州政尚寬簡留心撫字歲荒捐俸為粥以活饑民興

水利灌旱田

民祠祀之

秦宗伊

知安縣以禮自持教民首孝弟修文廟清學田嘗建奠安墩以培縣脈邑人賴之

劉拯

正統間知梓潼廉介固持始終如一後卒於官貧無以為殮至今稱其清

盛昶

直隸人天順間以御史請知羅江廉明公起與利除害時趙鐸寇亂昶率衆追剿報

授陞知
教州府

吳淑

宜興人以御史請知德陽低學宮新邑治勸恤民隱時稱賢令

蔣夔

泰和人德陽教諭克端模範清告自甘後陞蜀府伴讀

李充輝

豐城人弘治中為德陽簿慷慨多大節清白自勵於勢利泊如也先是龍州夷酋叛

拒歷年前後招諭莫得其要領充輝持檄往諭為

決朝廷撫御恩且歷舉自昔梗化之禍又力却其

贈金夷酋畏服遂感泣與充輝偕

詣臺院款其罪而宥之反側遂定

姜珍

金華人監生正德中任德陽令其政平易具守清白至今稱廉吏者必以為首

王大略

新鄭人監生正德中知綿州剛正有決斷捕除賊盜地方以寧

劉琛

臨川人正德間知鄆州性廉介守城禦賊居民獲安聞母喪過哀而卒卒時無以為

祭人以康孝綽之

杜漁

嘉靖中知安縣有治才愛民禮士安邑科目絕少廉勤勸課遷學於北垞遂聯捷數

人

焦煥

泰興人嘉靖中知德陽縣不攜家室寢所衣笥換吏守之政先大體綿陽江臨城隍

築隄數里以捍水高二丈濶稱之至今賴焉以督林大木為上官忌收獄尋得白歸惟圖書數卷而已

齊清

滄州人持已剛方有才辯嘉靖末知德陽邑故協濟綿州馬匹清立言其不可欲議

徵銀折價時趙大庸負吉過縣咨馬政清熟知利病除對甚剴文肅入朝即召為太僕寺丞

王純臣

鄖陽人任德陽教諭好古能詩詞持已嚴正著訓士約言以康恥氣節為重士子遵

之行

李士鰲

漢陽人任安縣清操不染百廢俱舉

強希顏

萬歷間任安縣明敏有為勸田畝革吏弊豪富不敢欺隱

紀于竹

洋縣舉人由兵部主事謫知安縣釐宿弊革重耗案無滯墮修城經理有法民忘其

勞

張緒

漢川人萬歷初知德陽以一老僕隨侍自奉甚約與民休息去任日猶捐廩以助城

工至今屹然太守耿某為作去思記

樊鼎遇

黃岡人萬歷中以選貢知德陽縣吏治敏練繕城築堰置義倉勸經樓捐俸購書數

百卷以誨諸生其父官御史以建言謫戍鼎遇泣訴兩臺欲免官贖父罪直指彭某為奏得旨下吏部鼎遇即日告歸所著有道

林小草蓋草等書數百卷

陸經術

綿竹令崇禎丁丑流賊犯蜀綿城卑薄立陷賊去經術至捐金勸紳士助完城工高

厚加倍獻賊至不得入民至今感之

直隸茂州

隋梁遠

為汝川總管時吐谷渾呂考寇邊
速以銳兵擊破之斬首千餘級

宋趙瞻

知茂州瞻以茂州離羣險阻而難守不若
合之而建郡於汝川條著甚詳爰熙寧中

經理西南就瞻
取其書考焉

孫義叟

神宗時節制綿茂軍先是涂靜時飛等蠻
寇茂州知成都周燾遣兵馬鈴轄張永鑄

等擊之畏懦不敢進義叟遣中軍將
种友直等破之其酋狂烈等悉降

趙全時

簡縣人神宗時知
茂州治行異等

史學

丹校人哲宗時知茂州
監軍營田魏了翁有記

明劉堅

永樂時知茂州奏請立學校以教軍民子
弟東公有守均徭平訟流民復業歲旱祈

稿甘雨立應我
苗州民保留之

陳敏

華亭人知茂州先德後刊除奸究
保善類在任六年民立生祠祀之

柳芳

延安人宣德中知保縣羌民
叛亂芳捍禦有方民賴安輯

屠安民

隆慶中任保縣捐俸
築南城保人德之

張祥

江陵人成化中知茂州受民育士
學校橋梁多所修葺陞太僕寺丞

崔哲

遼東人正德初知威州化服強
番邊陲無敵軍民賴以安堵

范淵

桂陽人正德中以郎中謫威州選番民
弟入學官教以詩書淑以道義自是番民

慕義歸順民
建祠祀之

何福全

鳳翔人由吏員歷判歲州政尚識實不事苛刻秩滿以安戢功保陞本州守蒞任九

年致

仕歸

孫漢

江陰人嘉靖間知茂州時五寨蠻亂守禦有方蠻不敢犯未幾以憂去軍民如失父

母

王淵

江西人以給事中謫判茂州治才卓異有清操去之日一馬一僕茂人無知者

婁廷璋

陝西人嘉靖中知汶川開設學校治汶有聲

汪守廉

黃岡舉人萬厯中知歲州視民疾苦如痼瘵切身士民愛慕番獠頃服陞曲靖同知

舒文璧

萬厯中任保縣捐俸築南隄二百餘丈民賴其利

麻康

萬歷中任保縣增崇樂夷在官十四年無邊常民受之如父母云

吳偉

漢中人由國子監生知茂州卓有政績歷陞四川左布政使

直隸達州

周辛昂

通州刺史推誠布信甚得蠻獠心累遷驃騎大將軍

唐李洞客

貞觀初為通州刺史政尚清平民以慈吏呼之

李適之

開元中為通州刺史政不苛細為下所便明皇時水災適之作三大防曰長楊曰積

翠曰月岐自是水始不為災天寶初入為左相

韓滉

宰相韓休子至德初為通州郡長史有政績德宗時為鎮海軍節度使綏輯百姓不

滿年境內稱治歷官中書門下平章事李泌謂其公忠清儉兵大臣之器卒諡忠肅

宋余應求

江西弋陽人崇寧中進士為監察御史論童貫譚稹以中人傾軍政為國之辱又言

將相不宜爭私憤當早定戰守之計為時所忌出監達州茶場後官吏部員外郎

李耆壽

字南公紹興初為達州守卒於官魏了翁稱耆壽資性孝謹臨事有大慮其修之家

行之官率

多可紀

楊載

涪陵人紹興中知達州嘗憤劉豫之先逆願橫行奄中手刃豫以報朝廷張浚壯而

為之故有是命後果著聲績云

陳式

永嘉人淳熙中知達州崇學勸農葺城完庫以禮為教民心感悅立祠祀之

明曹嗣宗

柳州人進士永樂中任連縣廉能有智後歷陝西僉事

邢元亨

咸寧人知連縣鄆藍寇亂力為撫禦邑賴以安

周雍

永康人嘉靖初守達州講學訓士立社倉約法二十八條民便之

徐勗

湖廣人嘉靖初守達州歲大旱請禱甚恪併給牛種作水車是年有秋政暇與諸生

講學不倦
士民感之

楊振文

貴州人嘉靖中守達州不事苛刻歲頻旱多虎禱於神雨隨大霽一日虎斃者三

傅汝楫

山東恩縣舉人知東鄉政尚簡約却寇完城士民悅服

秦曰藩

字納賢鬱林州舉人萬歷四十年以重慶府丞改知達州學宮祠署鼎構一新既去

郡人建祠
尸祀焉

紀

壯

陝西人萬厯四十年知太平縣凋敝之
後撫綏頗稱得法以左遷去識者悼焉

四川通志卷七上

欽定四庫全書

四川通志卷七下

皇清名宦

總部

南朱馬喇

滿洲鑲白旗人順治三年從肅王定

喇奮勇當先所在撲滅盡力邊

南伊馬喇

肅王定蜀官前

軍護衛值賊黨趙雲貴圍保寧伊馬喇

欽定四庫全書

兩

肅王旋

一

京師康熙十三年吳逆叛滇黔蜀復為賊據又以
參領從軍江蜀進次廣元恢復保寧既而偽經畧
王平藩授首以次
鄭清厥功居多云

李國英

字培之遵化人隸正紅旗順治三年從

王師克旋國英以孤軍鎮保順間羣寇環伺隨機剿
撲未嘗少挫八年巡撫王遵坦卒廷議代者數人
國英以都御史任巡撫治兵間中軍旅之後勸
課農桑民足食用十四年晉總督旋加太子少保
兼等制陝屢平大寇保釐全蜀
者二十有一年卒於官諡勤襄

郝浴

字冰涿直隸定州人順治六年進士主政
刑曹一時有大聲西曹之譽八年改御史

未按蜀時巨寇劉文秀等踞滇黔吳三桂專閫駐
師保寧七年無功浴至勅其縱兵焚掠任用私人

世

祖章皇帝特命督守城池前後疏凡數十上並嘉納先

是蜀地兵荒相繼民鮮儲蓄守土者貸民耕牛而

徵其租租重牛尋斃民賴苦之浴為疏免

姚締虞

字岱鹿湖廣黃陂人順治己亥進士司李成都改官陝西

御史巡撫四川時蜀紳宦遊者多以故土荒殘還
過異地締虞具疏請令還籍以實地方並查勘田
畝令民自首糧賦戶口大為改觀一切民生利弊悉心調劑卒於官民追思不置

張所志

遼陽人順治十七年巡按四川時川中土

東條陳全川事宜章數上

世祖嘉納之

張能鱗

順天大興人順治十八年由進士分巡建

乾運能鱗調度協宜雖輸將絡繹民不知
苦又築蘇稽大堰以利農務至今賴之

郎廷相

字鈞衡遼東廣寧人康熙三年任四川布

耕鑿兵火之後公署無存廷相經營締造務合體
制又修橋梁理舟楫建貢院至費官社學悉皆通
飭修舉毫不累民任蜀五載陞
豫撫去任遠近老幼遮道號泣

趙良棟

字肇之陝西安邊衛人康熙十九年己未
奉

詔討吳逆疏令嚴肅賊莫敢擾其鋒
聖祖特命為勇略將軍時奮威將軍王達寶與賊將王平

藩相持於保寧良棟以偏師由陰平間道直抵成
都賊衆望風奔潰旬日間郡邑傳檄而定會進寶
亦奏捷保寧良棟遂乘勢收復全蜀大軍
所至秋毫無犯至今蜀人德之卒諡襄忠

杭愛

滿洲人康熙十九年巡撫四川屬吏敬憚
莫敢干以私時滇黔未靖調軍協餉勞績

甚著

王隲

山東福山人順治乙未進士康熙十九年
分巡松茂道時蜀中甫定廣為招徠又築

都江堰堤以溥
水利士民頌之

周燦

字星公陝西臨潼人順治己亥進士康熙
二十五年督學四川嚴查優劣以示勸懲

士皆向化丁卯庚午之間獲雋者
率所拔取著有願學堂集行世

李輝祖

字滿陽鎮白旗人康熙二十七年任四川布政司時因歲供蠟料棧道險阻民多病

之輝祖詳請

題免又奉

旨清查

田畝勸諭流民間墾按地起徵不漏不苛公私交便

噶爾圖

滿洲人康熙二十八年任四川巡撫查丈田畝募民墾闢流移復業刊刻大學衍義

頒發膠庠庠士子向學又節省驛站

公帑修治劍閣傾圮道路至今賴之

岳昇龍

字見之陝西莊浪衛永泰鎮人任天津衛總兵扈從

聖祖北

征平定噶爾旦錄功晉秩康熙三十七年授四川提督操練軍士調度有方時建昌凉山諸番猖獗

乃督率戎伍出奇制勝直逼巢穴番衆畏懾棄戈輸誠者凡十萬九千戶

聖祖仁皇帝書仁愛士伍四字

賜之又

賜一聯云太平時節原無戰上將勲名在止戈天章疊沛時多榮之

高起龍

字霖蒼錄白旗人康熙四十年任四川布政司掾州縣徵收錢糧務令民自封投櫃嚴禁私派遇編審之年俾里甲均平承辦胥吏不敢舞弊納課審丁悉有成規云

韓成

陝西人四川合州籍康熙四十二年任重慶鎮總兵法令嚴明諸蠻率服遇亢旱禱

雨輒應郡中偶不戒於火成具衣冠廟拜忽返風火尋滅人稱為神

劉德芳

字純菴遵陽人康熙四十三年任四川按察司獄決平允時臬政兼推茶鹽而西壩

甫定積引未疏德芳等畫徵收歲無停滯又修葺文翁石室為錦江書院一時人士欣然向學至今

與文翁並

祠祀焉

陳 瓚

字梅川廣東香山人康熙甲戌進士四十八年由部曹督學四川謝絕請託作育人

才襍被蕭然止一蒼頭隨侍食朝夕無甘旨閨文夜分不輟試重慶未竣會閩撫

題

請調補臺灣道頻行不能為資斧計後官湖南福建兩省巡撫卒於閩

聖祖嘗以瑣清廉謹慎追贈禮部尚書諡曰端肅

以上宗紀名宦

孟喬芳

字心亭鑲紅旗人自少不屑事章句好騎射

太宗

文皇帝奇其材引置左右選隸旗籍擢刑部承政以梅勒章京管牛录事屢從征伐皆著戰功順治元

年號

世祖章皇帝入關定李自成之亂帷幄中籌策居多自成

戰敗竄歸周中喬等師師追之九月關中平拜兵部右侍郎兼都察院總督陝西岑張獻忠尚據蜀二年冬十月喬訪遣總兵官范蘇等討之遂收龍安又疏陳蜀地戰守之計皆見施行九年入覲

京師尋遷西安十年

命總督陝西三邊四川等處軍務十二月以病乞骸骨

詔加少保馳驛回京會卒

贈太保諡忠毅并賜祭葬

席教事

字學海山西臨汾人前明癸未進士順治十七年以刑部主事擢四川提學僉事公

明正直為一時學臣最著有閩中吟人多傳誦之

衛紹芳

字猶茂號復菴山西猗氏人順治丙戌進士十七年任川北道叅議時值郝承喬之

變紹芳督餉轉運無誤賊平議敘轉浙江巡海道

劉璽

字爾符陝西朝邑人順治丁亥進士由浙江烏程令左遷四川按察司照磨署通江

蘭州皆有惠政民多感戴

張光祖

字大光河南新鄭人順治己丑進士康熙元年任四川提學別積弊絕苞苴衛文以

先正為宗士風丕變

張椿

字伯珩山西陽城人順治己丑巡按四川時保順二府初隸版圖與巡撫李國英綜

理緩急請撥牛種五萬給散兵民本年奏銷除接應軍需外貯粟六千八百餘石又疏催學臣以興

文教碩憲綱以肅吏
治至今人稱頌之

陳安國

字斗垣陝西沔縣諸生後以僉事監軍四
川會巨寇攻保寧甚急安國詣西安乞兵

總督孟喬芳應之圍遂解又招降姚黃賊
衆數萬尋以事下獄未幾得白陞井陘道

楊道淳

字緝常陝西洋縣人順治四年以明經授
四川監軍道時寇盜縱橫道淳單騎馳赴

宣布

德威安戢最止尋陞四川按察使攝巡撫事以勞苦

致疾
卒

李藻

字鑑明山西陽城人順治八年以湖廣辰
常僉事遣四川北道叅議是年蜀省始

行鄉試藻任提調方鎖闥校士聞賊至同官錯
愕士子將散走藻以堇暇踐試人服其識量

欽定四庫全書

卷七下

王孫蔚

字茂衍陝西臨潼人順治壬辰進士由刑曹累官福建布政司左遷川東兵備道孫

蔚精刑名每視事握朱墨二筆判決如流著有軫香集

馮雲驤

字訥生山西代州人順治乙未進士由部郎康熙二十年提學四川時癸亥補行辛

酉鄉試新錄諸生尚未達部院司議以一體觀場恐於例有礙雲驤詳稱蜀方蕩平多士向化宜格外獎掖遂力主入試登揭曉列名者三十餘人人服其知人且有膽力云

佟鳳彩

遼陽人康熙元年以都察院右副都御史任四川巡撫

題

修都江大堰於民田大有裨益

楊應魁

滿洲人康熙元年分選永寧道值鎮兵進剿江安土寇吳天民永城空虛賊驟至勢

甚危急應魁徵調鄉勇指揮得宜擒斬賊兵無數招集流移人皆安堵

張德地

滿洲藉遵化人康熙三年由副都御史任四川巡撫時總督苗澄以蜀省額兵四萬

欲抽撥七千人屯田通計一歲所獲米數作折色可得銀五萬六千兩以足兵餉德地以為蜀當兵燹之餘土著稀少必照督臣所議行恐兵不習耕土不宜人日後必致兵農兩悞不若度川中稍緩之地量減其可裁汰者一歲計省銀五萬六千三百兩有奇與屯田米數折色之銀相符於

國計有益

聖祖允其奏又請定夔關總稅裁寧番越嵩會川鹽井梅嶺安寧大壩等處

雖稅商民深德之

李翀霄

字息六山西絳州人拔貢生康熙三年任四川按察使時蜀初定抗逆株連者三百

欽定四庫全書

卷七下

人力為平反止職渠魁三人餘俱省釋又請革陝西茶馬累以蘇蜀民後遷江西布政使

王曰曾

號省齋江南溧陽人康熙庚戌進士分巡建南道直陳東省一案清查田畝身歷田

間較定弓步法嚴弊絕控馭諸蠻漢夷安堵陞任日囊橐蕭然絕無長物

李興祖

鑲白旗人康熙四十一年任四川按察使獄決多所平反兼鹽茶驛傳通商利民郵

政肅清

張松齡

字鶴生福建莆田人順治乙未進士選庶吉士擢給事中疏言選官守候羈苦聽回

籍候憑任途便之奉

命清刑

獄疏錢法不撓權勢尋轉四川叅議四川承涇敝

後民多逃竄松齡贖回悉給牛種加意撫綏流亡漸復後以裁缺歸值耿逆變作逼受偽職不從被

囚數月終
不屈卒

高蔭爵

字澹菴，鐵嶺籍，鑲白旗人。由廕生。歷陞四川松茂道，按察司僉事。康熙四十五年疏

審都江堰水利，轉運黃勝關糧儲，署布按兩司事。經懷有術，訟獄無冤。兵民交感，後轉直隸口北道。

循吏
以上

成都府

戴弘烈

字山明，江南桐城人。順治辛卯領鄉薦。康熙八年任成都令，招流亡，給牛種，民有疾

痛親製藥劑療之。又親督夫役修都

江堰，以通水利。民至今咸稱頌之。

馮昌奕

山西蒲州人。順治戊戌進士。十八年授郾縣令，有能聲。擢陝西華州知州。

蕭永茂

鎮白旗人康熙三年任溫江令甫至即諮詢地方利弊勸墾荒田掩埋枯骨招集流

移期年民

復其業

王瑚

鎮紅旗人康熙二十二年令溫江慈惠廉明嚴禁科派胥役畏法

王宗祐

廣東樂會人康熙甲子舉人丙戌授溫江令邑苦旱勞築江安堰浚楊柳渡民飫其

利

田軒來

字東軒浙江山陰人康熙辛未進士三十六年任成都令潔己愛民興學造士至今

人佩其德

周輔奏

浙江海鹽人由副榜康熙四十七年任成都令明斷剛決發奸摘伏每多奇中攝崇

慶州家時川來多未結輔表署任甫數月為訊結
一百三十六案獄語精詳共稱平允崇人建祠祀
之以
上循吏

重慶府

陳丹赤

字獻之福建侯官人順治辛卯舉人司理
重慶以卓異歷陞駕部郎中任浙江僉事

分巡溫處攝臬篆入

距歸至東昌閏秋逆變即舍舟無程至東甌緡城堡

備糗糧晝夜守禦不避矢石時鎮帥祖弘勲陰通

逆黨楊春芳計邀丹赤議事擁兵脅降丹赤正色

慷慨開陳大義弘勲厲聲曰兵餉俱無何以出踐

丹赤曰提兵前鋒計有半萬何謂無兵糧可給至

六月何謂無餉弘勲持丹赤手曰公獨不念骨肉

墳墓乎丹赤麾之曰吾知以死報國不知其他弘

數目千總高魁持銅斧擁丹赤出斷其右臂兵及
交下而死事

間贈通政使司通政使

賜諡忠毅

諭祭賜葬立碑建

祠致祭

孟易吉

湖廣武昌人拔貢生順治十八年任綦江
令修城建學作士愛民時值遷移會勦勞

心拮据甚
政孔多

劉宗沛

字鶴陵陝西蒲城人順治辛丑進士歷任
合州知州勸課農桑興行禮教政績最著

何徵蘭

福建人康熙元年由進士知南川
縣才思繁劇無有德威士民懷畏

于成龍

山西永寧州人副榜康熙七年知合州賦
情清介興學校課農桑惠政甚多歷任兩

江總
督

李秉直

江南江寧人貢生康熙七年任
茶江縣招集流移民多愛戴

方應禱

廣東惠來人順治丁酉舉人康熙二十年
任南川令嚴禁私派勸課農桑民甚德焉

陳正鍾

江西新建舉人康熙二十年任
茶江令性恬淡以廉隅自持邑人稱之

徐振基

廣寧人康熙二十四年任
茶江令性廉潔邑人頌德不衰

虞兆清

浙江嘉興人康熙己未進士三十七
年任茶江令政教浹洽五載行取

劉若龍

字敬菴山西臨汾人康熙壬子順天舉人
三十二年任長壽縣令廉而有惠政治行

舉蜀中第一累
官大理寺少卿

方岳

浙江會稽人康熙三十三年由恩貢任纂江令居官敬慎民樂其治

喬文錦

直隸人進士康熙三十年知南川縣有惠政

張景良

河南人歲貢生康熙四十年任南川縣愛民重士廉平稱職

許國棠

鑲黃旗人康熙四十二年由筆帖式任纂江令撫字有方民皆樂業後陞知北直冀

州

姚孔鏞

字祝如江南桐城人貢生康熙四十六年知合州興學重農催科不擾民樂輸將歷

八載卒於任士民哀慕不忘

張有孚

字合田江南桐城人歲貢生康熙四十七年令南川有惠政以上循吏

保寧府

李向榮

字苑仙冀北人康熙二十六年任劍州牧時當撥最值吳逆偽將譚弘復叛屢加迫

脅向榮不屈死之

以上崇祀名宦

郭巍然

字因之陝西朝邑人順治乙酉舉人由交城教諭遷福建閩清令再補昭化邑有黠

婦為眾盜主前令多被挾制巍然抵任首捕下獄
楚之黨羽解散境內以安撫民如子為置耕織具
地故產金俗呼狗頭金民爭以藏老却之辦官囊無長物

顧亮

江南吳江舉人順治二年任劍州牧加意學校一時士習油然向化

咸大猷

遼東人順治十五年任劍州牧撫集逃亡勸墾田土人深戴之

張可立

字蔚生福建福清人隸順天籍歸隸黃旗順治乙未進士十七年任劍州牧重士愛

民州人
德之

王保釐

字東郊湖廣蘄水人順治戊戌進士康熙元年知通江縣修城垣建學宮為政平恕

不尚
苛刻

喬鉢

字文衣北直內邱人貢生康熙三年知劍州力均里甲澤被州人

黃士龍

廣東花縣人康熙壬子舉人任蒼溪令簡徭恤民興學造士卒於官橐無餘物士民

誦頌
不忘

戴縱

字鶴浦湖廣江陵人康熙癸丑進士二十六年知南部縣以循良著士民愛之

屈穎藻

字龍章陝西蒲城人康熙甲戌進士任蒼溪令以才能著兼攝梓潼士民豎坊以誌

其德

余崧生

正藍旗人巴州知州性廉靜多惠政士民戴之康熙辛卯科調充同考官以疾卒於

省卹一無餘物上官憐而賻之始克成殮以上循吏

順慶府

袁定遠

浙江人康熙庚戌進士任順慶守慈惠廉明正己率屬時有吏行冰上人在鏡中之

頌

廖士正

湖廣人壬子舉人康熙十九年任營山令甫一月逆黨譚弘裨將彭時亨叛執士正

至渠縣拘繫月餘脅迫以偽職大罵不屈望
關再拜引領就戮事

聞賜卹廕一

子

徐盛

遼東人康熙十九年知廣安州值逆黨譚
弘之變為賊所縛不屈死事

聞贈四川布政司參議
賜祭葬廕一子印祖入監後授成都府同知
以上崇祀

名
宦

上官弘基

字孚昌陝西朝邑舉人順治初年任營
山令時供億取辦於里民弘基至悉除

之政尚寬簡濟以嚴明及卒
貧不能歸櫬邑人輸金助之

張玉璘

字魯賓福建人任營山
令教養有方士民悅服

熊焯

陝西咸寧人順治己丑進士知渠縣招徠撫恤興立學校歷任四載擢御史士民振

回不逐
其去

湯喬振

北直南皮人進士順治十七年知南充縣時軍興旁午喬振理煩督餉供億不匱且

調度有方民不病役丁
為艱去邑人思慕不已

李時亨

直隸東強人進士順治十八年任鄰水縣時瘡痍初復時亨修葺城垣招徠人民綏

撫有方邑

達教庶

雷鳴魯

河南開封人歲貢主康熙二年任渠縣修復縣治招集流移後卒於官與觀歸民皆

泣送路
為之塞

周世澤

順天大興人順治辛丑進士康熙七年知鄆水縣甄拔士類時稱廉鑑

勞溫良

廣東人康熙庚戌進士知鄆水縣甚深經術治先教化士民歌頌不置

胡雲龍

遼東人康熙二十一年由廩生知鄆水縣招撫流移勸諭墾闢政績卓然

蔣擢

順天大興人康熙二十二年由官監生任鄆水令有政聲越四載以憂去民皆思之

循吏

以上

敘州府

錢紹隆

浙江人康熙庚戌進士二十年宰富順時戎馬陰德紹隆盡心保障安戢殘黎調協

軍伍周官之掩遺
能迄今思之不置

顏 敷

字敷五順天宛平舉人康熙二十年守敘郡時滇寇犯境戎馬在郊毀捍禦多方保

障孤城民賴以安後卒於官郡人思之不已

何源濬

江南丹徒人拔貢生康熙二十一年知馬湖府時進剿滇寇源濬身親運糧民不擾

而軍食常足百姓逃匿者給以牛種安插之厥後夷獮倡厥檄兵征討嘗單騎賡稿主夷懷德且懾服焉 以上

崇祀名宦

薛起鳳

陝西韓城舉人順治初任筠連令惟蒼頭一人掃室執糞事皆親理不假手吏胥士

民服其清正卒於官貧無以殮民

爭致賻昇輓歸里且建祠祀焉

周 璧

湖廣人由選拔知慶符縣邑多游民不知務本璧出郊勸農日加誡諭不憚勞瘁遂

改積

冒

戴佩

廣東始興人任屏山令時值荒歉民採
藏根充食佩為購米設粥以拯民饑

劉天爵

奉天人康熙二十八年任屏
山縣首重文教士習丕變

曹重

北直豐潤人康熙四十五年由杭州府船
政同知陞授馬湖守愛惜士民漢夷樂業

徐樹閔

江南崑山人康熙五十九年知屏山縣
修義學置學田學使方觀勒石誌之

陳聶恒

字秋田江南武進人康熙庚辰進士任長
寧令撫字有方聽斷明敏公餘課士文教

日興捐置後江渡口義田並造清溪橋民多懷惠
雍正元年陞刑部主事廷臣薦其夙學奉

旨特改翰林院編修

以上循吏

夔州府

王正一

江南太平人恩貢生康熙二年知萬縣孤介自持治行冠一時去任日民送道留之

楊印昌

江南上元人恩貢生康熙三年知雲陽縣招徠撫字士民新歸故土

左其選

湖廣夷陵州人拔貢生康熙三年知建始縣時城市荒蕪其選攜一僕至縣偕典史

尹德親艾剗棘結茅以居招回流民數百人給牛種勸開墾邑中始有起色歷三年致仕歸邑人懷之

陳漢良

福建閩縣舉人康熙四年知奉節縣凡十載吳逆叛全節以歸

鄭朝清

福建泉州舉人康熙十二年知萬縣為政清嚴士民懷畏

栗生蘭

遼東人康熙十九年知奉節縣惠政賢聲士民戴德旋陞陝西臨兆府同知去任邑

人立祠以祀之

龍鱗錦

廣東番禺舉人康熙十九年知萬縣自奉儉約禮士愛民

鄒應泗

陝西鳳翔人進士康熙十九年知雲陽招撫流移有良吏聲

吳李芳

湖廣寶慶人丙辰進士康熙二十三年以內閣中書改補建始縣日與諸生講學無

倦色歷三年邑

人悉知禮教

許嗣興

鑲藍旗人康熙二十五年知夔州府事時寇氛初靖嗣興力事拊循尤留心學校纂

修郡志事多徵實又念夔巫間夏秋江漲水險設救生船以拯溺丁卯歲旱郡城火三日不熄訛傳

妖蛇為祟祠興橋於城隍神俄頃大雨時有官可回天之謠

史晟

福建人舉人康熙二十六年知建始縣創學建署常平義倉俱次第修舉時稱良吏

云

王漢周

字晉侯湖廣黃岡人康熙癸未進士任奉節縣有廉明聲以課最歷知陝西鞏昌府

惟敝衣一麓見者感嘆

郭孝穆

陝西長安人監生康熙五十四年知開縣加意學校設立義館延師訓士每遇賓興

尤力為獎勵後丁艱歸士

民深感之以上循吏

龍安府

王士穎

字學齋福建閩縣人康熙己卯舉人五十五年知江油縣歷任七載撫字有方民立

千家膏雨坊以志遺愛以上崇祀名宦

章士穎

福建龍巖人順治丁酉舉人授龍安府推官以裁缺改知禮縣民素苦亡絕賠累旗

軍興屯控報開墾民多逃亡士穎拊撫墾荒給以牛種復業者甚衆又申請蠲豁天嘉十九里正供并鞏禮文三衛所糧米會吳逆變受困四月圍釋乃解

楊柱朝

湖廣臨湘人順治己亥進士授平武令邑遭獻賊蹂躪滿目荆榛柱朝招徠流亡相

率復業稱良吏焉

衛秦翰

陝西韓城人順治辛丑進士始授北直靈壽令有惠政擢禮部主事由正郎出知龍

安府下車卽華里民供應隨規在任九年鎮撫格
吏結以恩信所轄三土司帖然輯服境內又安以
年終致仕歸數百里中多泣送者

張冲翼

陝西富平人前明壬午舉人由教諭陞平
武知縣擢御史康熙十二年

聖祖親試臺垣奏議冲

翼名列第一

翁 佶

字懋初直隸清苑人順治辛丑進士康熙
五年知龍安府淡泊自甘歷任數載後因

公赴省卒於
歸囊無餘物

黃 極

遼東人康熙十九年任江油令委署
泰江縣俱有惠政及去任民咸惜之

于有慶

奉天瀋陽人康熙三十五年由官生任江
油縣歷任數載除長壽縣邑有父子之頌

以上
循吏

雅州府

李應崇

字繩二遼東人康熙四年由廩生任名山縣知縣撫流移開墾荒蕪又審城隍修縣署

民樂規事亭丁外
與去邑人思之

張起鼎

字五一山西人滿洲籍康熙四年由廩生知廬山多惠政捐修大陵石橋以便行旅

民至今稱

曰張公橋

朱景辰

字建北福建將樂人拔貢生康熙七年自湖廣富陽令調名山縣秉性方正人皆敬

畏私獎
德絕

劉啓和

號石洲湖廣江陵藉江西廬陵人康熙丁未進士知雅州雅濱於夷通商販百貨輻

輳民多迓末啓和勤課耕讀由是始敦本業

遲

高

錄白旗人康熙二十一年知蘆山縣縣分三鄉明制照里甲定役康熙二十三年編

審編按畝均丁民甚便焉遂為成例

楊廷琚

浙江人進士康熙二十三年任蘆山令民受敬之以病致仕振留垂泣者絡繹於道

丁傑

直隸宛平人康熙三十八年任雅州置鐵索橋於洪港行者不病涉士民繪像祀之

趙承燾

字子容號點菴錢塘人康熙四十二年知名山縣人有惠風和日之稱

尤鳴高

福建閩縣人由貢生康熙四十三年知雅州當西爐孔道茶鹽商賈往來絡繹鳴

高嚴察吏 倚稅遵
定額商 旅便之

姚銳

字藻如江南桐城人歲貢生康熙四十四年由梓潼縣陞雅州知州政教嚴明奸猾

斂跡以病卒於官士
民惜之 以上循吏

直隸嘉定州

雍正十二年陞為府

冀霖

字雨亭山東臨清人康熙甲戌進士三十九年知莒州縣屏絕隗遺有清名後行取

累官禮部正
郎督學江西

張芑

字武仕江南桐城人康熙丁亥貢生任嘉定州牧創立書院以課士子所賞拔者後

多成名又於邑中通津修治橋梁以利往
來人呼為張公橋云 以上崇祀名宦

朱昇

浙江人進士知我眉縣慈仁御下淡泊自甘引年致仕歸囊篋無長物

劉靖寰

奉天人康熙九年由廩生任隄為令時蜀疆初靖差務甚繁靖寰盡革加派耗羨民

享樂

利

倪懋祚

浙江金華人進士康熙十九年軍隄為縣注淡泊分毫不取於民囊無餘積致政歸

民饒以贖置之
江干不受而去

孫調鼎

字變臣正白旗人康熙二十一年由監生知夾江縣政平訟息吏治稱最

劉際亨

字賓虞正藍旗人康熙二十五年由廩生任夾江令修城垣開新堰復隄工部主事

以上
循吏

直隸眉州

趙蕙芽

字幼湘直隸涑水人拔貢生康熙元年知眉州築堤堰以資水利給牛種以勸開墾

更設立義學延師訓士時推良牧第一以上崇祀名宦

直隸邛州

李德耀

鑲白旗人康熙四年任大邑令嘗單騎過歷原野開導水利於先賢古蹟必建祠豎

碑誌之

李紳文

江南潁州人康熙戊辰進士三十五年宰蒲江縣丙子鄉試充同考官羣服其有知

人鑑歷任六載以廉幹行取士民思之如父母云

黃藜

字天閻福建平和人康熙庚午舉人四十

水灌田常資修濬藜於春作方興即捐俸親督堰
長預期修築終藜之任秋成無歉以上崇祀名
宦

蕭恒

字君常號月菴陝西三原人順治辛卯

溫廷樑

字若華河南人選貢生康熙四年判邛州
隨署州篆右文重士甫一載風俗文章煥

然改觀

黃復生

湖廣人貢生康熙十九年知邛州適軍興
旁午復生調劑輸將夫役往返酌量更換

民賴以安

傅燮調

號繩菴直隸靈壽人康熙二十三年任邛州時有電掃訟庭響答詩簡之語

荆元實

江南丹陽人進士康熙二十六年任蒲江令禁革浮徭力行實政

梁永祚

字堯山康熙三十九年任蒲江令是時歲屢饑民多四散永祚按籍招徠計口授食

且給以牛種履畝勸耕復業者衆以上循吏

直隸潼川州

雍正十二年陞為府

陳愚

湖廣興國州人康熙己酉舉人知遂寧縣操守廉潔視民如子

鄧元貞

江南徽州籍湖廣漢陽縣貢生康熙二十七年知謝洪縣下車即禁私派課農警惰

懲治豪強又詳設塘鋪嚴查私鹽以通商引稱廉能吏後卒於官以上崇祀名宦

潘之彪

江南丹陽人順治辛丑進士康熙七年知遂溪縣詳請行銷水陸鹽引俾無壅塞兵

民俱便纂修邑志最稱詳瞻迄今傳之

蔣

垣

字用崇福建侯官人康熙壬子舉人母殯廬墓三年有羣鳥集鳴墓巔人以爲孝感

甲寅耿逆變作垣逃匿橘園洲偽曹以宿學交薦乃以巴豆漬面松烟熏目託廢疾拒之嗣約李天然等謀內應以延

王師事洩天然等俱被害垣得免

王師入閩經橘園洲士民舉垣忠節大帥康親王疏

闡

授歸化教諭遷泉州教授陞四川鹽亭令廉明執法邑

人頌之旋乞休卒雍正甲辰奉

旨入忠孝祠

周甲徵

浙江山陰人康熙十九年任蓬溪令值吳逆披猖居人星散甲徵招徠流移歸者如

市遂為

完邑

謝旻禧

廣東舉人康熙三十四年知中江縣居官清正邑人士深德之刻石立祠今俱在

張應詔

字圖固貴州黎平人辛酉舉人初任直隸肅寧縣令康熙四十三年任潼川知州時

有姑嫂同宿而嫂為仇所殺人疑姑有私應詔置不問潛訪兇惡寘諸法女寃得雪其決疑獄類此他如革私派設義學修葺城垣安插流移皆實心實政內陞刑部員外郎今七屬士民猶誦思焉

以上循吏

直隸瀘州

王毓奇

正紅旗人康熙三十二年任瀘州牧華火耗嚴保甲民安盜息尋報最去任至今人

輯良吏以

上崇祀名宦

孔斯和

山西澤州舉人任瀘州牧務以德化人有忿爭搆訟者曲為諭解故人多去後思

陳五典

江南太湖人授貢生知瀘州彈心任事士民戴之

萬其智

貴州黔西籍江西人舉人康熙十九年任納谿知縣時軍興旁午百姓逃匿其智詳

請嚴禁勒索夫馬

酒食民漸歸業

朱士華

直隸人恩貢生康熙二十年知瀘州保民如赤訟簡刑清後以辦理軍需積勞成疾

解組

去

楊奇烈

三韓人康熙二十四年任瀘州牧均徭役勤教養士民愛慕之

胡頊

奉天籍遼陽人康熙三十一年任瀘州牧清查田賦酌劑維均民利賴之

王帝臣

奉天瀋陽人康熙三十六年知納谿縣卓有正聲署瀘州事纂修州志時文獻無考

帝臣以因名核實為已任者成足備採擇

張士浩

陝西涇陽人貢生康熙四十六年自山西路城令遷瀘州牧均平徭役民有爭訟面

為剖決人稱神明建惠政坊以誌不忘以上循吏

直隸資州

習全史

陝西同官人進士順治十八年任內江合時兵燹之餘補築城垣修葺祠廟蒞任七

年撫綏盡職士民懷之
以上循吏

直隸綿州

常大忠

字二河山西文城人順治壬辰進士知梓潼縣招撫流移墾闢荒蕪以循良著

卜景超

號介菴直隸固安人康熙己未進士二十三年任安邑招民開墾撫字有方後陞吏

部主事

任紹燿

字思菴河津人康熙甲辰進士三十一年任綿竹令以廉潔自矢公庭寂靜嘗單騎

出部勸課農桑在任一年卒貧無以殮布政使高起龍賻送歸里
以上循吏

直隸茂州

陳名蟠

字念齋福建福寧州人康熙丙午舉人任四川汶川令邑當蹂躪之後名蟠多方撫

輯民免流亡有中山邪圖地隸汶川而徭習威州年久逋賦乃按籍得三百戶力請徭隨田派籍乃定以內艱歸歷陞刑部郎中出守真定署井陘道正己率屬風裁卓然以勞卒於官士民思之立祠祀以

張廷柱

陝西韓城人監生初任廣西融縣令擢知北直保安州抑強鋤盜廉公有威尋以艱

歸後補茂州漢夷率服尤多善政以上循吏

直隸達州

王舟

江南合肥人順治辛丑進士康熙七年知太平縣散給牛種勸墾荒田士民德之

陶虞賜

江南金椒人進士康熙二十一年任達州

之

程溥

江南江都舉人康熙二十一年補太平令署達州事時歲饑流亡載道溥悉心安輯

民賴以生

董守義

鑲白旗人監生康熙二十三年任達州牧有兇人手刃叔母假以盜殺赴訴守義片

言摘發即伏辜舉州咸稱為神以才調直審官數年多所平反

馬雲從

遼東人康熙三十四年知達州已卯秋勞民食維艱雲從多方告糴境內賴以全活

民立生祠祀之

以上循吏

補遺

俞宣琅

字雍來浙江海寧人順治己亥進士任大竹令時邑殘人稀宣琅招墾撫循民賴其

蘇卒於官橐如懸罄邑民醵金賻之輓始得歸

魏學渠

字青城浙江嘉善人順治戊子舉人任成都府推官時蜀民疲於差徭學渠撫綏得

宜入定嘉眉邛雅賦額公私稱便陞刑部主事歷任江西守道

吳宏

字芬月浙江淳安人康熙癸卯舉人任鹽亭令邑田地汙萊學官榛蕪宏養教兼舉

時有冤獄久不決默禱於神遂得屍所立白之陞汝州知州以上循吏

四川通志卷七下